

8
T H E S I S V I I .
H I S T O R I C O -
T H E O L O G I C A
C O N T R A D U O S L I B E L L O S
E R A S M I P I L I I .

Q U A M

P R Æ S I D E

EXIMIO VIRO DOMINO AC MAGISTRO NOSTRO

O A N N E L I B E R T O H E N N E B E L

S A C R Æ T H E O L O G I Æ D O C T O R E

D E F E N D E T

S T E P H A N U S W I L L I B R O R D U S O O R T

A M S T E L O D A M E N S I S .

In Collegio V I G L I I die 6. Maii 1688.



L O V A N I I ,

Typis GUILIELMI STRYCKWANT, sub aureâ Lampade.

THE
HISTORICAL
THEOLOGICAL

CONGREGATIONAL
MAGAZINE

FOR THE
MONTH OF
JANUARY

1851

NEW YORK
PUBLISHED BY
J. B. LEECH

111 NASSAU ST.

NEW YORK

1851

Vol. 1, No. 1

§. 1.

ASMI PILII modesti in Sedem Apostolicam, & charitas in Ex.D. GUMMARUM
HUYGENS, cum quo mihi causam dicit esse communem.



Delix ego simul subijcior, quia, ut habet lib. 2. pag. 4. Eximii D. HUYGENS dogma
in infelicitate solas defendendum suscepi.

Nescio an à quocumque Fidei Catholicæ hoste prodire possent opuscula, quæ paucis
velligis plura impotentis animi continerent specimina, è quibus selectiora quædam in
hic colligam fasciculum, ut iudicet Lector, quam eorum Auctor non tantum po-
tatis, iustitiæ ac veritatis, sed & honestatis ac verecundiæ limites omnes exceßerit.

Parum est, quod scribit lib. 2. pag. 56. *Varias tuas Theses discutienti occurrit mihi idem
illud Isaia cap. 29. v. 24. DOMINVS MISCVIT IN MEDIO EIVS SPIRITVM
ARTIGINIS, ET ERRARE FECIT EVM, SICVT ERRAT EBRIVS ET VOMENS. Placeat
mihi, Vir Eximie, candor ille animi, quo cogitationes tibi meæ aperio tam candidè. Et iterum
sequenti; Quasi musto plenus effervesco. Miror tamen cur præ cæteris illam elegerit
pingendam collegæ nostro contumeliâ, quam nascente Ecclesiâ Apostolis opposue-
rat iudæi dicentes Act. 2. quia musto pleni sunt isti.*

Sed non lubet his & similibus, quibus scatent libelli, diutius immorari, dum ad illa
oppero, quibus dogmata nostra inaverecundè notantur ac proscinduntur, tantâ qui-
m confidentiâ, ut nescias quid in libellis mireris primum, an Auctoris ferocem auda-
ciam, quâ liberrimè dogmata sibi contraria censuris gravissimis carpit, an infirmitatem
argumentorum, quibus censuras contra Apostolica Decreta intrepidè prolatas, languidè
orsus levissimèque confirmat. Cumque non pugnet nisi armis à P. PHILIPPO DE VOS
utnatis sapiusque contritis, luculentè apparet de sola eum maledicentia posse gloriari,
sua hæc & P. DE VOS & Collegas suos omnes superavit, ut evidens est ex ejus in
collegam nostrum dictis, quæ hic subijcio.

Lib. 1. pag. 30. *Demonstratum est ipsum in hoc (dogmata de libertate) non differre ab ha-
sarcha Calvino, nisi quod hic vocem liberi arbitrii rejecerit, quam GUMMARUS invidia de-
nuanda causâ retinuit.*

pag. 31. *Doctrinam suam retrahere erubescit, nondum in illo prae dominante amore veritatis.*
 pag. 48. *Mibi ego persuado, Exim. Gummarmum PARADOXO suo dogmate eo spectasse, ut eum Iansenista nomen nimis hoc tempore sit invidiosum, appareat Catholicus.*

pag. 53. *Heretici bellū imitatus videtur novus Dogmatista.*

pag. 65. *Allegat ex epistola Reverendissimi D. Stryen hæc verba: Ut Africa semper aliquid monstru, ita hæc facultas nova doctrina aliquid gignit. Quibus ipse addit: Non praesagit, opinor, ejusmodi nomen Levani progignendum dogma, quale est hoc Gummarmianum.*

pag. 62. *Advi Calvinum.....* pag. 63. *Excussi plures alios heretices libertati humana in-fensissimos, nullum inveni, nec inveniendum puto volumum inter omnes seu antiquos seu recentiores, nedum inter Catholicos, à quo suum dogma accepisse videri possit novus Dogmatista Gummarmus. Excitantur omnes antiqui recentisque heretici & Orthodoxi. Ita dogma illud est Gummarm proprium.*

De hoc spiritu nihil remittit idem Auctor in libello secundo: Nam statim in pag. 9. sic pro sua humilitate Collegam nostrum castigat: Nunc attente perpendamus, an non etiam superbi à impietate ingratus Dei gratia judicandus videaris.

pag. 19. *Invenisti ad relevandam invidiam istam tale commentum.*

pag. 42. *Istud aperte sapit Pelagianismum.*

pag. 50. *Ne deserat dogma Iansenii amplexatur dogma Pelagii.*

pag. 51. *Eximius noster Gummarmus maluit deglutire hanc essam Pelagianam. Et iterum ibidem: Offa hæc Pelagiana ita virum confirmavit, fecitque intrepidum, ut ex Doliore feceris sana doctrina censeorem.*

pag. 63. *Persepe mihi visus est Vir Eximius imitari matrem, qua monstrum enixa factum magnopere est sollicita, ne fatus videatur deformis.*

Si obscura forte hæc esse suspiceris, metum omnem tibi excutiet Auctor ille intrepidus, tam enim certa illi sunt omnia, ut tantum proposuisse refutasse sit, quemadmodum satis insinuat libri primi pag. 9.

Ecquis crederet censuris tam atrocibus aliquid addi posse? Invenit tamen libellorum Auctor quod adderet: Neque enim satis illi fuit Gummarmiana dogmata, seu commenta hæresesque manifestas explodere, sed amplius aliquid audere voluit. Ut maledicentiae paliuam omnibus præperet, supra hæreticos omnes accusandus fuit Eximius D. Gummarmus.

Hinc illud pag. 60. lib. 1. *Eximius Gummarmus Iansenium superat & Calvinum.*

pag. 64. *Profecto apparet hyper-hæreticum, id est, omnem excedens hæresim, qua in hoc genere doctrinae nunquam orbem occupavit Christianum. Imo, ut ait pag. 53. Belluinum est dogma hominem in agende ipsi belluis equiparant.*

Tam certa verò sunt omnia auctori illi, ut sibi blandiatur quod, visis ejus probationibus, Eximius Collega noster tam fedos errores errorumque sequelas exhorrebit. Quis enim non exhorreat, si rectè sic Collegæ nostro insultet lib. 1. pag. 76. *Insciari non potes, dogmatum cui adhæres tam pertinaciter, eo tendere, ut Christianismus evertatur funditus, omniaque Sacramenta ponitis aboleantur. Quin imò magnopere est laborandum, ut cum tuo dogmate concilietur Deismus. Et paulo ante pag. 74. Nego non potes, quin omnia & singula legitime educantur, imò per se fluant ex tuo dogmate. Vides opinor, si quidquam videas, illa inde consequi, que funditus evertunt non tantum Mysterium SS. Trinitatis, sed etiam Incarnationis, totamque doctrinam de peccato originali.*

Denique, quod præcipue deplorandum est, non soli Collegæ nostro nocent hæc dogmata, verum, ut ait lib. 2. pag. 80. *Miro artificio suos fascinat discipulos, quanquam, ut ait lib. 1. pag. 50. non aliosimilem simulandi artem, seu potius vasserrimum dolum jam pridem novissent & usurpârunt heretici.* Pontificum

Pontificum Conciliorumque decreta omnia excutiantur, expendantur atrocissimæ in hæreticos quoscumque vibratæ Censuræ, spondeo, quod nihil unquam atrocius contra quemcumque pronuntiasse reperientur. Tam interius libellorum Auctori sua via hæc omnia & mellita videntur, ut sua illum fallat opinio, si vel levi Collegam nostrum perstrinxit Censura, cujus vibrandæ potestatem Sedi Apostolicæ reservat juxta illud libelli 2. pag. 63. *Eximius Gumarvus nova concepit ac protulit dogmata, quæ multis in Belgio apparent hæretica, an sint hæretica, judicium esto Sedis Apostolicæ.* Unde & pag. 7. ejusdem libelli, *desinam sententiam*, inquit, *relinquemus Sedi Apostolicæ.*

Quibus oculis hoc ludibrium aspiciet Sanctissimus Pater? Dogmata Collegæ nostri ab hoc Auctore privato exploduntur ut commenta, hæretica, hyper-hæretica, monstrosa, belluina, & interim, clementia humilitate, Censura omnis judicio Sedis Apostolicæ relinquitur.

Certè si me, quem ejusdem proferet dogmatis unicum vindicem, isdem quoque voluerat Censuris involvere, meminisse debuerat, quam fraternam in Thesibus meis novissimis charitate postularem à quolibet, qui se Thesibus meis iniquius habitum causaretur, ut proferre dignaretur ea, quibus gravius commoveretur, spondens Christianæ animi moderatione rem totam cum eo componere, lucrisque meis cum gratiarum actione deputare, si forem vel eo docente instructus, vel emendante correctus.

At verò tantum nunc abest, ut ab hoc auctore habeat ut amicus invitans ad pacem, ut porius tanquam hæreticus melle litum stringens gladium vapulem, dum solus dogmarum hæreticorum, hyper-hæreticorum, imo & belluorum vin lex proferor.

Non ignoro, sicut in moribus, ita & in scriptis meis multa posse reperiri, quæ possint justo judicio, & nullâ temeritate culpari; Equum tamen erat saltem par pari reddere, & anhelant SS. Domino ad Theologorum pacem, sic sua proponere & aliena refellere, ut petulanti arguendi modo non exulcerarentur eorum animi, qui contra omnem juris ordinem, contra iterata Sedis Apostolicæ Decreta Censuris atrocissimis percelluntur.

Fallor equidem si Auctori suo feliciter cedat illa audacia, futurusque sit ille primus, cujus causam sub tanto Pontificis petulantia fecerit meliorem.

§. 2.

An ERASMI PILII atroces Censura quadrent doctrina quam sustinui pro explicanda ac vindicanda Collegæ nostri sententia circa amorem beatificum?

IN Compendio edito 1679. pag. 12. ita habet Collega noster: *In ipso amore beatifico magis est à necessitate libertas, quam in ullo amore viatoris.* Lepidum est videre, quomodo ERASMUS PILIUS singulis libelli primi paginis articulum istum exagiret, quidve comminiscatur, ut hunc articulum, articolique Auctorem sannis omnium exponat. Conatur, inquit pag. 61. *asserat habere omnes suos discipulos Academicos, quibus dogma illud in Collegio Pontificio, cui præest, instillet, infundat, inculcat adeo, ut hodie totum Lovanium omnium passim Academicorum ore personet dogma illud, quod ab Auctoris nomine derivato vocabulo per anomoniam vocatur Gumarvianum.*

Quam hæc sint falsa, norunt omnes, qui in Academia versantur, facillèque notant hæc pro nutu confingi, ut imperitis fucus fiat, neque enim Academicorum quispiam sic dogma illud agnominari unquam audivit.

Pari fronte miras aspergit Collegæ nostro reservationes mentales, qualis est illa pag. 55: *Dum dicit hominem liberum à necessitate, hanc mento reservat glossam, quam producat, ubi erit opportunum: EST LIBER A NECESSITATE COACTIONIS, NON VERO A NECESSITATE, QUÆ A COACTIONE DISTINGUITUR.* Tum sibi applaudens, quasi rem acutè tergisset,

terigisset, subjungit : *Da gloriam Deo, Vir eximie, nonne mentem tuam, nonne scopum dogmatis rectè sum affecutus ? Imo, inquires, sed revelasse non oportuit.*

Denique gloriabundus, ceu novus Goliath, qui exprobravit agminibus Dei viventis, insultat Collegæ nostro, & pag. 11. imbellem ejus sublaonat ignaviam, quasi anno 1684. Thesi 6. P. GERARDI BOLCK provocatus arenâ cedere & obmurescere coactus sit : hinc illæ ejus voces : *Quidquamne huic Thesi opposuisti ? Vspiamne publicè declarasti non fuisse tuam mentem, illo tuo dogmate cum magna energia atque emphasi negare, ullam esse libertatem à necessitate in ullo amore viatoris ? Nihil hujuscemodi declarationis intelligi prodiisse. Certè in istis causis non caret suspitione taciturnitas.*

Operæ pretium est hic expendere, quâ fide hæc dicantur ab eo, qui me Collegæ nostri vindicem, affessorè, & ad tuenda sua dogmata horratorem vocat, quem proinde paria cum illo, in hac saltem controversia sentire non dubitat, ideoque tam eumque eum hortatur, ut à suis me consiliis deinceps excludat.

Rei gestæ ordinem repetemus ab ovo, ut de ejus veritate Lector æquus facilius dijudicet.

Notandum itaque, quod hanc de amoris beatifici libertate controversiam moverit Pater DE Vos in pertinente Appendicis editæ 1682. quam repetiit in pertinente primo alterius Appendicis ejusdem anni. Et iterum Appendicis tertiæ Thesi 2. Thesi ultima ex Salefio. Denique in Thesibus complexis Thesi 1. anno 1684. Huic opposui ego §. 3. Thesi Historico-Theologicæ 2. in qua Collegæ nostri doctrinam sic exposui.

„ Dixerat Collega noster cum S. Bonaventura, cujus verba refero §. 6. Thesi. Hist.
 „ *Arbitrium dici liberum, non quia sic velit hoc, ut possit velle ejus oppositum, sed quia omne,*
 „ *quod vult, appetit ad sui-ipsius imperium, quia sic vult aliquid, ut velit se velle illud. Et*
 „ *ideo in actu volendi seipsum movet, & sibi dominatur, & pro tante dicitur liberum, quamvis*
 „ *immutabiliter ordinetur ad istud.* Negari non potest, quin beati Deum liberrimè dili-
 „ gaat, si rectè liberum hic definitur. Neque curavit Collega noster probare, quod
 „ amor ille immovis sit à necessitate immutabilitatis, tum quia S. Bonaventura dicit eam
 „ libertati non repugnare, tum quod naturalis necessitas (sub qua comprehendere necessi-
 „ tatem coactionis) sit sola necessitas propriè dicta. Denique nec agebat de libertate
 „ ad merendum & demerendum, sed de illa, quæ omnis meriti sit præmium.

„ Probandum ergo illi erat præcipuè, voluntatem beatorum ad amorem beatificum
 „ non esse naturali necessitate constrictam, quomodo pecora, item pueri, somniantes
 „ naturaliter aguntur, quomodo motibus primò primis abripimur, quia non eliciuntur
 „ ad voluntatis imperium, non sic anima illos vult, ut velit se velle illos, neque etiam
 „ ad illos producendos seipsum movet, neque sibi dominatur, cum in amore beatifico
 „ hæc omnia planè aliter eveniant : nam & beatus amorem illum sibi imperat, vult
 „ amare, vult velle in æternum indissolubili vinculo charitatis creatori suo adherere.
 „ Ergo & seipsum movet, & sibi dominatur. Plus etiam aliquid collega noster addidit
 „ explicare volens clarius, quomodo hic amor ab omni naturali necessitate immunis sit,
 „ licet enim cum S. Bonaventura sentiat, *arbitrium non ideo dici liberum, quia sic velit hoc*
 „ *ut possit velle ejus oppositum,* hanc tamen potentiam quoddam esse libertatis signum liben-
 „ ter agnoscit, ideoque scrutatus est, an sit in beato potestas quædam ab amore beati-
 „ fico cessandi. Talem autem reperiri probavit ex eo, quod beatus Deum amans paratus
 „ sit ab hoc amore cessare, si quid illi Deo melius proponeretur. Quod licet impossibile
 „ sit, quia tamen voluntas actu saltem inefficaci, qui in agentibus naturalibus reperiri
 „ non potest, ferri quoque potest in impossibile, non debet paradoxum videri, quod
 „ tanquam signum libertatis potentia illa allegetur, cum per illam & ipse modus ten-
 „ den-
 „ den-
 „ den-

„dendi in Deum clarius explicetur, & luculentè appareat non moveri beatos ad hunc
 „amorem lapidum pecorumve more naturali necessitate. „
 „Neque illud mirum videri debet, quod amor ille beatificus perfectione libertatis
 „superare dicatur quemcumque actum viatoris, quia si juxta S. Bonaventuram *Arbitrium*
 „non idè dicatur liberum, quia sic velis hoc, ut possit velle ejus oppositum, sed quia omne quod
 „vult, apparet ad sui ipsius imperium, consequens est non inde petendam esse perfectio-
 „nem libertatis essentialiam, quod homo in utramque partem ferri possit, sed inde vel
 „maximè, quod homo perfectiori judicio, perfectiori voluntatis imperio seipsam
 „moveat ad actum, ac proinde qui magis in unam partem propenderit, quia evidentius
 „in illa veri bonique rationem intelligit, licet minori indifferentiâ, perfectiori tamen
 „libertate illum eligit. Certè quod quisque est sapientior, atque ad agendum instructor,
 „eò minus deliberat; nec quia minus indifferens est ad agendum, minori gaudet liber-
 „tate. Indifferentia ergo illa, quam experimur, cum nulla nos ratio in unam partem
 „magis, quam alteram impellit, perfectio libertatis dici non potest, quippè quæ tan-
 „tum cognitionis vel defectum vel negationem notat, nam si semper, quid verum bo-
 „numque sit clarè videremus, nunquam deliberarem quid judicandum vel eligendum
 „forer; atque ita quamvis planè liberi, nunquam tamen indifferentes essemus. Quod
 „cum Beatis accidar, qui illud incommutabile & incomprehensibile bonum clarissimè
 „invenitur, sine ulla indifferentia perfectissimâ libertate Deum diligunt.

„Porro licet hæc ita dicantur de libertate amoris beatifici, non idè largiemur aliam
 „ac planè disparè in viatoribus non dari. Planè confitemur, & experientia ipsa evi-
 „dens est, veram in viatore dari indifferentiæ libertatem tam ad bonum quam ad malum,
 „sed hoc unum dicere intendimus, quod sicuti charitas patriæ perfectione excedit cha-
 „ritatem viæ, ita quoque libertas patriæ excedit libertatem viæ; ac insuper sicuti fir-
 „mitas illa ac immutabilitas amoris beatifici illum ab amore viatoris essentialiter non
 „distinguit, sic nec illa libertatis viæ indifferentia essentialiter facit hanc à libertate pa-
 „triæ diversam; neque dubitamus tantam esse disparitatem inter libertatem viæ & pa-
 „triæ, quanta est inter charitatem viæ & patriæ. Hæc tamen omnia Auctor Thesis
 „nuperrimè confundit. *Non relinquit*, ait de Collega nostro, *in actibus nostris majorem*
 „*libertatem à necessitate, quam sit in amore beatifico, à quo tamen censet beatos cessare non*
 „*posse, nisi sub conditione impossibili, si quid Deo melius preponeretur.* En tricas; caudam ca-
 „piti, suprema infimis inani hallucinatione conjungit. Agnovit quidem Collega noster
 „perfectissimam in amore beatifico libertatem; eam dixit charitatis in viâ liberè exer-
 „citæ esse præmium, sed nusquam somniavit, nedum dixit, aliam in statu naturæ lapsæ
 „libertatem non relinquere. Pari jure, si quis charitatem Patriæ suprà charitatem viæ miris
 „extulisset elogiis, idem Auctor posset inferre, non aliam reperiri veram charitatem in
 „viâ, quam in Patria. Relicta planè est illa libertas in statu naturæ lapsæ, quam cum
 „universa Schola Thomistica unanimi consensu nostri admiseret majores, libertas scilicet
 „indifferentiæ, libertas non tantum à coactione, sed etiam à necessitate.

Sensit P. de Vos, quàm hæc eum stringerent, neque indignaturum arbitror E. M. a-
 „mum P. L. T. M., si Augustini verbis, quibus Collegam nostrum compellat lib. 2. pag. 32.
 „utatur & ego: *Fovea vulpecula ex utraque parte conclusa est, & non est quâ intret ut lateat,*
 „*aut si jam ibi latebat, non est quâ exeat, ut evadat.* Hinc contra Thesim illam hoc unum
 „prodiit imbelles responsum: *Qui mentem sensumque Cornelii Lansonii perspicere non potest, ut*
 „*profiteretur, qui capere potuit tam solerter mentem sui Collegæ? An is sensum suum sic ipsi aperuit,*
 „*voluitque nobis declaratum?*

Dixeram ego, quod quinque articulos eodem prorsus sensu damnam, quo eos
 Schola

Schola Thomistica reprobatur, neque etiamnun sic dixisse pœnitet, ut constat ex Thesi 6. hist. in qua §. 2. sensum quinque articulorum ex Joanne Baptista Gonet profero & commendando. Addideram tamen, satis indigoe quæstionem illam de sensu Jansenii à Molinistis tractari, dum novos quotidie pro nutu suo rerumque opportunitate confingebant sensus sæpè inter se planè diversos, sæpè gratiæ per se efficaci infestos, contra aperta Sedis Apostolicæ decreta. Quid ergo spectabant illa ad quæstionem de libertate amoris beatifici? Hinc omnes ex responso tam languente facili intellexerunt correre, quidquid Collegæ nostro jam annis pluribus opposuerat ille Professor, neque pluribus enim censui exagitandum, unice Thesi sequenti respondens: *De libertate amoris beatifici sic loquitur, ut non obscurè prodatur infirmitatem suam.*

Moverat hanc litterariam litem præfatus Professor Collegæ nostro, quem graviter accusarat productis testimoniis omnibus, quæ in suo libello ex ejus Thesisbus descripsit magnus plagarius ERASMUS PILIUS. Incumbebat illi probatio, quâ ostenderet libertatem non rectè definitam esse à S. Bonaventura, vel necessitatem non propriè intelligi eam, quæ vel coactionis est, vel merè naturalis, qualis in brutis, pueris, somniantibus, motibus primò primis reperitur, vel denique egisse eum de libertate, quæ requiritur ad merendum & demerendum in statu naturæ lapsæ.

Quod si nihil horum præstaret, ne tunc quidem cum sua ei obijceretur infirmitas, causâ cadebat, ex regula jûris: *Actore non probante reus absolvitur.* Neque sufficiebat imbellis replica: *Qui capere potuit tam solerter mentem sui Collegæ?* Cum enim ex propria ejus confessione jam constaret, illius assertionis hunc, quem tradideram, sensum esse legitimum, nihil à Patrum, nihil à Scholarum sensu dissonum, si nihil opponebat ille Professor, quo plus aliquid intendisse Collegam nostrum probaret, in conclusione sua non esse receptibilis judicabatur ab Etudicis omnibus; obijcienti enim crimen, ac præcipuè hæresim, probatio incumbit, in qua si defecerit, Reo Catholicè doctrinam suam expONENTE, ecquid aliud incumbit actori, quam ut illatam Reo repararet injuriam? Objecit P. DE VOS hæresim Collegæ nostro, cujus doctrinam catholicè exposui, fatente aut saltem cum aliqua veri specie diffiteri non valente ipso P. DE VOS; ergo nihil superest, nisi ut illatam Collegæ nostro reparet injuriam.

Dum hæc agerentur cum Patre DE VOS, prodit illo ipso anno & mense Thesis Patris GERARDI BOLCK, ejusdem Societatis Professoris, quem Patri DE VOS neque doctrina neque sagacitate comparandum esse fateatur ipse ERASMUS PILIUS quantumvis Patrem BOLCK, ut alterum se diligit. At cum Thesis illa recoctam tantum crumbem obtruderet, effectque Thesisque ille genius, ut multa satis audacter nosset asserere, parum interim sollicitus sibi suisque objecta refellere, credidimus meritò eum præteriri posse, maximè quia principali ejus jam cedente, ineptus meritò censebatur, qui in viri sagacissimi choro pedem poneret.

Hic jam expendi velim ERASMI PILII fidem. Agnoscit ille in præfatione Libelli sui secundi, quod Collegæ nostri dogma nusquam repererit, nisi in quibusdam Thesisbus meis. Vidit proinde, quæ habeo Thesis 1. §. 6. & §. 3. Thesis 2. quibus solis quæstionem illam laicius tractavi & explicavi. Fatetur quoque (quod dissimulare maluit P. DE VOS) eodem planè sensu articulum illum à nobis propugnari, neque enim aliàs tam esset sollicitus, ut à Collegæ nostri consiliis excluderetur. Ergò imperitis fucum facere intendit, dum libelli sui pag. 55. magna quædam videtur revelare mysteria, quæ pro opportunitate tantum proferenda à nobis erant, nempe quod dum dicit Collega noster *hominem in agendo liberum à necessitate*, hanc mente reservet glossam, quam producet ubi erit oppositum: *Est liber à necessitate coactionis, non verò à necessitate, quæ à coactione distinguitur.*

Reservare

Reservare sibi poterat ERASMUS PILIUS reservationes suas mentales, quibus propitius est magis P. Lessius, cujus causam tuetur, quam Lovanienses illi Doctores, qui Lessium Lessique Discipulos oppugnare pergunt.

Non est cur reservationes mentales nobis aslingat, ubi disertissimis terminis expressimus doctrinam nostram, quam hic iterum repetere non pigebit.

Dicimus itaque cum S. Bonaventura, *arbitrium dici liberum, non quia sic velis hoc, ut possis velle ejus oppositum, sed quia omne quod vult, appetit ad sui ipsius imperium, quia sic vult aliquid, ut velis si velle illud, & idem in actu volendi seipsum movere, & sibi dominatur.*

Libero sic definito appetitissime repugnat necessitas coactionis; principium enim ejus, inquit S. Thomas, est exura nihil conferente vim passo.

Datur præterea alia necessitas propriè dicta, qualis reperitur in brutis, pueris, somniantibus, motibus primò primis &c. Hanc dicimus merè naturalem, consentimusque S. Bonaventuræ docenti in 3. dist. 18. art. 1. q. 2. quod *si determinatio ad unum sit per necessitatem naturæ tunc tollas arbitrii libertatem.*

Ab utrâque hac necessitate magis liberum dicimus amorem beatificum, quam sit ullus amor viatoris. Liberrimus enim est à necessitate coactionis, cum toto voluntatis conatu in Deum feratur; tantum abest, ut principium ejus sit extra, nihil conferente vim passo.

Liberrimus etiam est à necessitate naturæ, quæ rationis judicium, voluntatisque imperium aut non compatitur, sicut in brutis, pueris, &c. aut prævenit sicut in motibus primò primis. At vero voluntas beatorum appetit amorem beatificum ad sui ipsius imperium; constat enim quod beati Deum velint amare, imo ex perfectissimo rationis judicio, perfectissimo voluntatis imperio velint velle amorem illum; ergo in actu volendi seipsos perfectissime movent, & sibi perfectissime dominantur.

Dantur præterea necessitates quædam improprie dictæ, sive secundum quid. Talis est v. g. necessitas consequentiæ, sive ex hypothesi; item illa de qua Philalethes opusc. 3. de libert. cap. 8. §. 1. num. 58. *Necessitas ex objectis secundum omnem considerationem bono, quæ est necessitas secundum quid, nihil de ratione propria determinationis diminuens.* Ut nihil diminuit de ratione propriæ determinationis, nihil quoque dimittit de ratione libertatis, quamvis ex confirmatione gratiæ seipsam voluntas immutabiliter moveat ad objectum amatum.

Ab hac felicissima necessitate secundum quid, magis est (sed suo malo & infelicitate) liber amor viatoris, quam amor beatificus; neque opus fuisset illud hic repetere, si ERASMUS PILIUS ea, quæ claris terminis erant expressa maluisset attendere, quam reservationes suas; jam pridem enim Patri DE VOS dictum est, ut constat ex §. supra edito; neque curavis Collega noster probare, quod amor ille immunis sit à necessitate immutabilitatis, tum quia S. Bonaventura dicit eam libertati non repugnare, tum quod naturalis necessitas (sub qua comprehendit necessitatem coactionis) sit sola necessitas propriè dicta.

Iterum quoque illi occinimus (ne fortè excidat) quod plandè confiteamur, & experientiâ ipsâ evidens sit, veram in viatore dari indifferentiâ libertatem. Imo tam certum nobis est, eam ad meritum requiri in statu naturæ lapsæ, quam est certum, hominem, etiam justum, debere cum timore & tremore salutem suam operari, debere statem videre ne cadat, debere quemlibet orare, ne nos inducas in tentationem. Addi potest: si dixerimus, quoniam peccatum non habemus, ipsi nos seducimus, & veritas in nobis non est.

Denique ne ullus possit supere cavillandi locus, fateamur ad merendum & demerendum in statu naturæ lapsæ requiri non tantum libertatem à coactione, sed etiam insuper libertatem à necessitate merè naturali, de qua supra, imo & à necessitate immutabili voluntaria; quantumvis hæc sit tantum necessitas secundum quid, ut supra dictum est.

En doctrinam, si ERASMO PILIO credimus, paradoxam, hæreticam, hyper-hæreticam, belluinam, Christianismum funditus evertentem, omnia Sacramenta penitus abolentem, funditus evertentem non tantum Mysterium SS. Trinitatis, sed etiam Incarnationis, totamque doctrinam de peccato originali.

Confundor scribens, hæc annoſi Theologi, & Sacerdotis quidem calamo excidere potuisse, fortè confundetur & ille, si viderit, quomodo non tantum nostram, sed præstantissimorum quorumque Theologorum doctrinam atrocissimis illis censuris perſtrinixerit; ut sequens §. ostendet.

§. 3.

An nobis sint tam infesta Thomistarum, Scotistarum, aliorumque Religiosorum Ordinum Schola, ut persuadere nititur ERASMUS PILIUS?

ERASMUM PILIUM urit, quod Theſi §. hist. & alibi gratiæ per se efficaciæ vindices recensens Molinistarum fronti non semel illiserim illud Carmelitarum Salmanticensium: *Si sacras consideremus Religiones, nullam adversarii persuadere huc usque potuerunt, ut eorum sententia in communi subscriberent, vel eam in communi tuerentur, cum tamen plures integri ordines, nec infimi subſellii, pro Dominicanorum causa (qua D. Augustini & D. Thoma est) omnibus nervis decerent.*

Pro Ordine S. Augustini prodixi ipsum Molinæ de Augustino testimonium, item apertam doctrinam Ægidii Romani, Gregorii Ariminensis, quos specialiter sacro illi Ordini præscriptæ constitutiones commendant. Produxi alios varios; sed nihil est quod comparari possit Decreto 1677. P. Nicolai Oliva Ordinis illius generalis, confirmato per Capitulum Generale anni 1679. quo doctrina de gratia per se efficaci ab omnibus Lectoribus tradenda strictissime decernitur.

Pro Ordine S. Dominici luculentissima sunt omnia, nec enim minus nota est illius Scholæ doctrina cladibus Molinæ per Hispaniam Italiamque infectis, quam doctissimis commentariis, quibus suam sententiam illustravit.

Pro Ordine Seraphico testis est iterum ipse Molina doctrinam hanc Scoto adscribens. Testis est Lemos eandem adscribens Scoto & Scotistis. Testes illi Censores, qui ex hoc Ordine interfuerunt Congregationi de auxiliis, aded ut nullum sit dubium, quin à seculo & Molinistæ & Thomistæ illam Scoto adscriberent, illamque tanquam suam Scotistæ propugnarent.

Pro Ordine Carmelitarum Inculenta est declaratio Provinciæ Flandro-Belgiæ. Luculenta dissertationes Carmelitarum Salmanticensium & Complutensium, qui non tantum pro se, sed pro Religiosissimis observantiæ Patribus testimonium ferunt.

Denique tam aperta sunt testimonia pro Ordinibus B. Mariæ de Mercede, Præmonstratensium, S. Francisci de Paula, S. Benedicti, Cisterciensium, S. Hieronymi, Patrum Clericorum Minorum, Cælestinorum, Canonicorum Regularium, Congregationis Oratorii, Capucinorum, ut nemo quidquam his oppoere cum aliqua veri specie hæcenus potuerit.

Hanc ergo quasi ultor cladem Molinæ suo illatam, tentavit ERASMUS PILIUS Collegam nostrum Scholis omnibus sistere, & ut solet faciliè antè triumphum canere victoriam, finxit eam ab omnibus deferi, ab omnibus repudiari, rideri, anathematizari. Theologo dignum aliquid præstitisset, si Ordinum illorum decreta, aut præstantissimorum ex singulis Ordinibus Doctorem apertas produxisset sententias, quibus doctrina oppugnata concutitur: sic enim faciliè apparuisset, quid in illorum placitis probare, quid oppugnare

pugnare propositum nobis foret. Cum verò solitis tantum dicteris Collegam nostrum impetat, & per Scholas omnes circumducatur, fallor, si eruditus omnibus non videatur circumforaneo similior, quam Theologo.

Nos interim pergamus nostram cum Scholis illis celeberrimis firmare concordiam, ut intelligat ERASMUS PILIUS magnopere periclitari dicacitatem suam (qua tam petulanter nostram de libertate amoris beatifici sententiam carpit) apud illas in quibus jam pridem Molinæ scientia media omni argumentorum genere convulsa est.

Antequam id ipsum aggrediar, expresse præmittendum censui ac publicè protestandum, modo planè dispari me tuendam suscipere doctrinam de efficacia medicinalis gratiæ Christi, & aliam de libertate amoris beatifici; nam circa doctrinam de medicinali Christi gratia ita planè sum compositus, ut non dubitem doctrinam illam (prout à majoribus nostris, Schola S. Thomæ totque aliis præstantissimis Religionibus explicatur) esse conclusionem Theologicam ab Augustino & Aquinate clarissimè traditam, post articulos fidei omni exceptione majorem, & veluti ultimâ dispositione definibilem. Hanc & illi defendere possunt prævalide, qui libertatem amoris beatifici negant.

Cum verò Auctores graves, quorum erudicionem colo ac veneror, oppositum mihi sentire fatear circa libertatem amoris beatifici, quam scio non fuisse tam solemniter in tot congregationibus discussam, ut fuit illa de gratia sub Clemente VIII. & Paulo V. abste ut tam sim præceps, ut tantorum virorum iudicium spernere audeam, cum quibus, non obstante hoc qualicumque dissidio, inconcussa permanebit nostra concordia, optantibus illis, ut libertas amoris beatifici solidissimè probari possit, tum ut pluribus modis efficacia gratiæ cum libertate, tum ut ipsa Christi libertas (pro qua nobiscum toto corde decertant) facilius cum præceptis Dei sive positivis sive naturalibus conciliari queat. Ita ergo præstantissimi illi viri circa hanc opellam nostram compositi sunt, ut non dubitent doctrinæ de concordia gratiæ per se efficacia cum libero arbitrio, de libertate Christi, multum lucis accedere, si libertas amoris beatifici solidè probetur. Cæterum, etsi causa cadam, nihil auxiliorum Christi decedere arbitrantur efficaciam, quam hæcenus se se optimè cum libertate conciliasse non dubitant pristinis insistendo principiis.

S. 4.

Quid de libertate amoris beatifici sentiat Ordo S. Augustini?

TAm diu credam præcipuos hujus ordinis Professores propendere in sententiam nostram de libertate amoris beatifici, quamdiu nemo solidè refellet, quæ pro illa novissimè produxit Exim. D. HUYGENS Collega noster ex Augustino, cujus sententiam SS. Anselmus & Bernardus aliiq. plures secuti sunt. Sed ad Scholasticorum tempora propero, quibus præcipuè floruerunt Ordines illi, quos omnem Collegæ nostro negaturos asyllum pro more suo spondet nugaturque ERASMUS PILIUS.

Thomas Argentinenfis Ord. Eremitarum S. Augustini Prior Generalis, qui obiit anno 1377. in suis Commentariis plura nobis tradit principia, à quibus hæc doctrina non obscurè eruitur, quale illud in primis est in 3. dist. 12. *Necessitas immutabilitatis proveniens ex perfectione virtutum non tollit rationem meriti sed auget.* Ne verò suspiceris hanc esse necessitatem propriè dictam, explicans paulo post, cur potius sit Christus liber in omni actu suo determinatus ad bonum, quam agens naturale determinatum ad unum ita prosequitur dist. 18. art. 3. *Agens naturale non prohibetur à merito ex hoc, quod est determinatum ad unum, sed ex modo determinationis, puta quod necessarid & non voluntarid tendit in illud unum. Sed Christus & quilibet in gratia confirmatus, licet determinatid tendat in bonum, tamen voluntarid*

tarid & liberè tendit in ipsum. Hujusmodi enim determinatio non minuit voluntatem & libertatem, sed potius augeat, & ideo talis determinatio non repugnat merito.

Quilibet ita loquitur, imbutus fuisse videtur doctrina, quam omnibus Doctores sui temporis adscribit Thomas Braduardinus Argentinenſis contemporaneus. Is autem lib. 2. de causa Dei cap. 2. quaest. 9. quaerenti; nunquid de essentia liberi arbitrii sit naturaliter libertas seu possibilitas contradictionis, & hoc respectu cujuslibet actus sui. Respondet, oppositum est certum de libere arbitrio Dei, quo diligit se, de libero arbitrio, quo qualibet personarum divinarum diligit quamlibet aliam & seipsam. Ulterius quaerenti: nunquid liberum arbitrium, quod de se naturaliter est contradictionis, semper liberè secundum contradictionem possit in oppositum cujuslibet actus sui. Respondet iterum: Oportet distinguere tempora & liberi arbitrii qualitates, pro tempore namque & qualitate beatitudinis confirmata non potest, sicut ratio beatitudinis confirmata demonstrat, & OMNES DOCTORES CATHOLICI VNANIMITER CONTESTANTVR. Ex his principiis elicit hoc corollarium: quod non ideo dicitur liberum arbitrium, quia liberè potest velle & nolle quodcumque, sed quia liberè potest velle quodcumque volubile, & nolle quodcumque obiectum suum nelubile, vel ut paulo infra: Non ideo dicitur liberum, quia liberè potest in oppositum cujuslibet actus sui, sed quia ex rationali arbitrio sive judicio spontaneè illum agit.

Si hac doctrina erant imbuti Doctores omnes anno 1349., quo obiit Braduardinus, eam jam hauserat Argentineus, qui octo tantum post annis id est 1357. obdormiuit in Domino.

Eandem doctrinam his auribus excepi in Scholis nostris ab Eximio P. Christiano Lupo, quem secutus est Eximius Pater ac Magister Ledrou in sua Patrum Triade cap. 2. §. 1.

In qua illud est notabile, quod ex Angelico Doctore actum humanum definitur: *Actionem propriam homini, quatenus homo est: actionem cuius homo est dominus. Actionem ex deliberata hominis voluntate precedentem.* Tum addit: *Quam definitionem sic accipimus, ut hominis actionem, nisi contradictionis libertate libera sit, actum humanum esse inficiemur.* Ac tandem quaerit, an, positis his principiis, amor beatificus sit actus humanus? In rigore cerè esse putem, inquit. Tertius verdè abnuo, supposito quod sit actus necessarius.

Sentire videtur disertissimus ille Magister cum Gabriele Biel in 3. dist. 18. art. 3. ubi agens de libertate beatificae dilectionis; negatur, inquit, quod actus beatitudinis sit simpliciter necessarius, quia sive sit immediatè à Deo, sive elicitus à voluntate, est liberè elicitus, & ideo contingens. Est tamen immutabilis & perpetuus, contingenter, non necessario, quia à voluntate divina perpetuè conservatur, cujus certitudinem habet beatus per divinam revelationem. Est ergo beatitudo immutabilis, quia non mutabitur, non autem immutabilis, id est, impossibilis mutari: posset enim Deus eam mutare de potentia absoluta.

Si ab hac magistrorum Collegarumve suorum doctrina abire placuerit quibusdam hujus instituti professoribus sententiam oppositam praferentibus, non reprehendo; imo in hoc planè eos laudo, quod veritatem, etiam, quantum capio, non perceperint, certè quam percipere putarunt, dilectissimo Professori suo praeulerunt, nec personam veriti libere elegerant aperire, quod sentiunt.

Sufficere haec interim arbitror, ut sperare mihi liceat non tam in hac Schola desperatam esse Collegae nostri causam, ut nullum in ea asylum inveniat, quae ejusdem doctrinae vindicem veneratur hodie ut praecipuum hujus provinciae firmamentum & columen. Tantum abest, ut suspicari liceat, quod tam effrenis EKASMI PIZII petulantia inventura sit deinceps ibidem patronum & vindicem.

Quid de libertate amoris beatifici sentiat Ordo S. Dominici?

E Am fore semper sacri hujus Ordinis sententiam, quæ Angelico Doctore visa fuerit conformior, nemo ambigit. Utinam tam expedita foret illa quæstio, quâ quæritur, quatenam præcisè fuerit Angelici Doctoris sententia. Hæc Capreolus expendens locum D. Thomæ in 3. sent. dist. 18. q. 2. art. 2. ad 5. ubi tam differtè docet Angelicus Magister, quod etiam si (liberum Christi arbitrium) esset determinatum ad unum numero, sicut ad diligendum Deum, quod non facere non potest, tamen ex hoc non amittit libertatem, aut rationem laudis sive meriti, quia in illud non coactè, sed sponte tendit, atque ita est actus sui Dominus. Apertis itaque verbis vim inferre voluit, & ingenuè fassus est hanc olim fuisse D. Thomæ sententiam in 3. dist. 18. suprâ citata. Capreolus multi hodiè sequuntur, quaquam & à D. Thomæ relata doctrina, & à nobis dissentiant arbitantes esse firmius adhærendum doctrinæ per S. Doctorem jam senem consummatumque Theologum in Summa traditæ, quam iis, quæ junior libris sententiarum inseruit.

Æquitate plena est illa resolutio cui subscribo, si Sancti Doctoris testimonium proferant, quo veterem doctrinam apertè corrigat, vel eam expressè retractando, vel oppositam tam luculenter exponendo, ut oleum & operam perditurus sit, qui D. Thomam conciliare secum tentaverit. Aliàs enim illos ipsos falsos arbitror, magnum esse pro nostra sententia præjudicium, quod in libris sententiarum D. Thomas eam tradiderit, omnibusque Angelicæ doctrinæ zelatoribus strenuam esse dandam operam, ut si fieri potest, prior S. Doctoris sententia posteriori præbetur non esse difformis. Præstitit hanc scholæ suæ gratissimam operam Exim. P. d'Aubermont, quem zelosum fuisse vindictam sententiæ nostræ de libertate amoris beatifici tot sunt Lovanii testes, quot fuerint illi familiares, quam nec in publicis scholæ nostræ actibus dissimulavit. Et hic ille est, quem, juxta P. DE VOS, venerari debet, ut membrum prænebile sacra scribæque faculatis. Audiat, inquit, Eximium Patrem d'Aubermont, qui tam gloriè decertavit pro Sede Apostolica, & infallibilitate summi Pontificis.

At scio, quod quemadmodum visis iis, quæ ex Theobaldo Eximii illius Patris produxeram pro efficacia medicinalis gratiæ Christi, obmutuit P. DE VOS sentiens à viro tantopere laudato sic suum vapulare Molinismum, ita ERASMUS PIZIUS ori digitum, fortè apponet & pessulum ne quid de Doctore illo incautè excidat, meque conveniet cum Patre Lemos, alias à me tantopere commendato, & quamquam cane pejus & angue eum cum ceo Molinæ flagellum oderit, ejus tamen opem non telpuet, si qualescumque susceptæ causæ suppetas ferat.

Fateor in hac opinione repugnare mihi Thomam Lemos, cumque præstantissimis illis accenso viris, qui me remorantur, ne tantâ certitudine adhæream huic articulo de libertate amoris beatifici, quam illi alteri de efficacia medicinalis gratiæ Christi, ut supra dictum est. Adhæreo Patri Lemos, ut illi in hac controversia adhæsit P. d'Aubermont.

Ne tamen hic plus æquo exultet ERASMUS PIZIUS, expendat primò, nec ab ipso Thoma Lemos eam tradi ut certam, nam tom. 3. lib. 3. part. 1. tract. 1. c. 19. num. 190. oppositam adscribit Scotò, non dubitans, quin tam in hac quæstione, quam in cæteris Scotorum suum celeberrima ejus Scholæ sequatur. Suam ergo Lemos defendit ut probabilem, cui favere D. Thomam, repugnare Scotorum censuit.

Expendat secundò, Thomistas illos, qui nobis adversantur in hac quæstione, manero conjunctissimos in pluribus, quæ si sententiam nostram non ita stabiliant, ut certa omni-

nino & indubitata sit, viam tamen nobis aperiunt, per quam præcipua quæque Molinistarum argumenta vel declinare, vel elidere possimus. Nam accuratissimis Thomæ Lemos commentariis debemus, quod vulgatam hodiè liberi arbitrii definitionem (*est potentia, qua positis omnibus ad agendum præ requisitis potest agere & non agere*) cum explicatione Molinistarum rejicere nobis liberrimè liceat; *hanc enim definitionem cum explicatione sua*, inquit Lemos tom. 3. lib. 3. part. 1. tract. 2. cap. 3. num. 29. *non ex Aristotele, aut doctrina ejus, non ex Augustino aut SS. Patribus, nec ex Magistro Sententiarum, S. Thoma, aut Doctore aliquo ex gravioribus, sed ex Almaino in suis moralibus didicerunt prædicti Auctores, sicut Almainus explicationem eorum non multum ardeat. Selet Scoto tribui, sed ipsa explicationem prædictam nullo modo admittit, in tantum ut ipsum Scotum destruam libertatis Molina nomen.*

Thomæ Lemos consentit Alvarez sano sensu, sed Molinistis fatali illam definitionem explicans, & Molinistarum explicationem vehementer impugnans. Ne explicatione quidem nonnulli Thomistæ eam dignantur, quia non tanti faciant Almainum, ut confictæ ab eo definitionis expositione velint graviter occupari. Simpliciter eam rejicit Ledesma. *Hæc definitio*, inquit disp. de Auxiliis contr. 7. art. 1. *neque apud Aristotelem, neque apud S. Thomam, neque apud gravem Auctorem, nisi apud Almainum & alios nominales reperitur.* Tamquam ab Almaino confictam spernit Medina, liberrimè pronuntians 1. 2. q. 10. art. 4. Quod (Almainus) *dat definitionem libertatis seu liberi pro sua phantasia, dicens quod ad libertatem sufficit ac requiritur, quod positis omnibus præviis necessaria requisitis ad agendum sit in potestate voluntatis agere & non agere.*

Consonant Cabezudus tract. de Auxiliis q. 1. versus finem, Navarettus tom. 2. contr. 12. §. 2. alique plures.

Expendat tertio ERASMUS PILTUS, Thomistis esse certissimum, quod rectè & propriè Christo Domino præceptum de morte impositum fuit absolute, & sine conditione ulla minuente rationem præcepti, aded ut sententiam contrariam impugnet Lemos tom. 2. tract. 5. De Christi Domini prædest. cap. 13. num. 135. *Tanquam novam, nunquam audiam, nec à SS. Patribus aliquando insinuatam, sed ei potius, inquit, omnes adversantur, quia juxta Scripturas, quæ in dubiè sunt plurimæ, semper docuerunt, Christum, verè ex obedientia fuisse passum, & ut adimpleret Patris divinum præceptum.*

Hic non hæret Lemos, sed & cap. 15. n. 173. *Si tandem in hæc materia inses, inquit, quomodo potuit esse in Christo libertas respectu dilectionis Dei, & aliorum præceptorum decalogi, quæ habebant necessariam connexionem cum fine, ad quem Christi voluntas naturaliter determinabatur, & ut sic Christi voluntati per intellectum propendebatur.*

Ad hanc, rejiciendâ aliquorum sententiâ asserentium Christum in illis non meruisse meriti ab omnibus rejiciendâ (nequid gravius de illa dicam) dicendum est, quæsiem procedere de Christi dilectione erga Deum, quatenus dilectio viatoris.

Utinam, perorante apud Thomistas contra Collegam nostrum ERASMO PILTO, prospicere liceret per Cancellos, quis ei sensus foret, dum sua ei placita exponeret Schola Angelica. Ut ferocis est & impotentis animi, vix dubito, quin discipulis Patris d'Aubermont, non minus quam Collegæ nostro, petulanter insultaret, eos hæreticis, bellis monstrisque equiparans.

At discipulos Patriæ Lemos, qui doctrinam nostram censerent probabilem frigidiusculè quidem primum exciperet, sed portenti loco haberet sic negari definitionem liberi arbitrii tam charam & receptam, sic vapulare sententiam suam de libertate Christi tam circa Dei præcepta positiva, v. g. de morte subeunda, quam naturalia, ac præcipuè de dilectione Dei; sic nostræ de libertate amoris beatifici viam sterni: quis non hic ejulatus, quæ non timendæ forent lachrymæ? nisi fortè sacratissimum hunc Ordinem ridere mallet, illisque

illisque adscribere, quod tam bellè censuit Collegæ nostro quadratè ex Isaia c. 29. v. 24. *Dominus miscuit in medio (Sacri Ordinis Prædicatorum) spiritum vertiginis, & errare fecit eum sicut erras ebrius & voment.*

Quam ille Collegæ nostro lib. 1. p. 33. impendit, illi ego charitatem rependo, hortorque ut quantocyus jam totus implumis præcipuisque suis contra doctrinam nostram machinis destitutus & exarmatus se proripiat à Schola hac Catholica, ne incidat in foveam quam fecit, & vapulet flagellis, quæ contexit. Si maneat diutius, pétulantiam ejus Schola illa non feret, sed ut superiori sæculo in Hispania, in congregationibus de auxiliis ejus Collegæ, sic ille à Thomistis vapulabit horrendum in modum. Hæret tamen, flagella- que deprecatur pallio se involvens Thomistico, & inclamans illud D. Thomæ à Patre de Vos toties decantatum ex 1. p. q. 60. art. 5. ad 5. *Quicumque videt Deum per essen- tiam, impossibile est, quin diligat ipsum.* Comparior viro ad extrema redactò, cui hoc unum superest, quo imminencia sibi vulnera declinet.

Æquum lectorem oro, ut articulum illum dignetur attendere, videbitque agi in illo de dilectione quadam Dei naturali, quam & nos libenter fatebimur non esse liberam, cum in ipsiis dæmonibus eam reperiri doceat ibidem Doctor Angelicus; & Lemos tom. 3. lib. 3. part. 2. tract. 2. cap. 10. num. 279. sic magistri sui sensum explicet, ut sententia nostræ obeffe non possit. Ecquid enim est illa dilectio, nisi, ut ait Lemos, *natura inclinatio, quæ naturaliter & sine libertate omnis pars diligit totum quam seipsam, hæc præ- cisa ratione quæ totum est.* Unde & peccator & dæmon se diligentes naturaliter plus in tali dilectione implicent & seipsa Deum quatenus est totum & bonum universale diligunt. In princi- piis nostris nimis ille peregrinus foret, qui omnem voluntatis inclinationem quamvis voluntatis super se reflexionem præcedit, liberam esse præterderet, neque enim dubita- mus, quin detur inclinatio sive propensio ad bonum in communi, quæ nullo modo sit libera, cum eam voluntas non appetat ad sui ipsius imperium, non sic velit eam, ut velit se velle, nec in actu volendi seipsam moveat & sibi dominetur. De, qua cum ibidem: unice agat D. Thomas, dum eam ipsi quoque dæmonibus dicit esse communem, nihil inde contrà nos potest confici.

Quod si extra circumstantias ante expositas expenderetur locus ille secus, ne sic qui- dem doctrinæ nostræ obeffet, si conformiter ad doctrinam Scoti intelligeretur de impos- sibilitate, quæ modum ætendi proprium voluntati, in quantum voluntas est, non mou- taret. Neque enim dicturum arbitror ERASMUM PILIUM quod D. Thomas, qui tan- topere exaggerat necessitatem divinæ motionis, humanam destruxerit libertatem, dum scripsit 1. 2. quæst. 10. art. 4. ad 3. *Si Deus movet voluntatem ad aliquid, impossibile est, poni, quod voluntas ad illud non moveatur.* Minorem habet difficultatem locus ex 1. p. q. 82. art. 2. in corp. quæ tam ex antedictis quam aliis primâ fronte evanescit, inædulo.

Ita nec ex ipso D. Thoma, nec ex Thomistis habet ERASMUS PILIUS, quod glo- rietur, mirorque si aggredi audeat solutionem locorum, quæ ex Angelico Doctore illi objecit Collega noster parans plura, si ERASMUS pro more suo non maluerit novâ fingere controversias, quàm ea refellere, quæ ei obijciuntur.

§. 6.

Quid ab Ordine S. Francisci nobis timendum?

Uadet ERASMUS PILIUS lib. 1. pag. 81. nè à hujus sacri Ordinis Scholam Sco- tificam confugiat Collega noster; *timendum*, enim, ut vocat integrè, quia *subtilior est hæc schola, quam ut fraudem non percipiat.* A. Molinæ sui placitis hic abis PILIUS, neque

neque enim alias tam studiosè Collegam nostrum ab hac schola diverteret. Manifestum censuit Molina sententiam Scoti de divino influxu in causas secundas esse plusquam periculosam in fide. Manifestum censet P I L I U S Collegæ nostri dogmata esse hæretica, super-hæretica, & belluina. Ergò hanc scholam aded exhorere Collega noster non debuit, si dogmata tradens hæretica illius impleret auxilium, cujus doctrina est plusquam periculosa in fide.

Doctrina Scoti de libertate amoris beatifici aded diserte expressa est, ut nullâ possit tergiversatione negari, quemadmodum demonstrant illa quæ ex Scoto produxit Collega noster. Nec eam esse Scoti dissimulavit Lemos; ingenuè confessus, ut dictum est, beatum esse liberam quoad exercitium amoris beatifici. Ex qua controversia inter Scotum & Lemos intelligimus, quo sensu tunc intelligeretur sententia Scoti; neque enim dici potest Lemos intellexisse sententiam Scoti tantum de libertate à coactione, quam nec ipse Lemos, nec alius quilibet umquam negare potuit amoris beatifico.

Egit ergo de libertate propriè dicta, quæ reddit opus laude vituperiove dignum: Quamquam enim indagando libertatis propriè dictæ naturam, non opus sit spectare rationem meriti vel demeriti, spectari tamen debet, ut opus tali præditum libertate dignum laude vel vituperio dici queat.

Libertas est in Deo, est in bonis Angelis, est in malis. Laudandus est Deus in omnibus, spernendus est dæmon in omnibus, licet nihil mereantur vel demereantur.

Si rectè expendatur, unde laus actûs petenda sit, mihi persuadeo, quod inde rectissimè petemus actûs laudem, unde ejus petemus perfectionem. Hinc explicari mihi velim, quid fieri possit ut actûs perfectio petatur ab indifferentia hominis lapsi quæ tantum cognitionis negationem vel defectum in eo notat. Non ergò ex parte actûs, sed ex Dei ordinatione petendum est, quod in statu naturæ lapsæ sine tali indifferentia non possit actûs esse meritorius vel demeritorius, potuitque v. g. Christus, qui corruptioni naturæ lapsæ non fuit obnoxius, per quosdam actûs mereri, in quibus nulla talis erat indifferentia. Unde Scotus in 3. dist. 18. q. 1. dicit *Christum meruisse omni actu secundum naturam humanam, etiam actu beatifico, quo secundum portionem superiorem fruebatur Deo*. Quamquam si scrutari magis intimè liceat, ne omnis quidem indifferentia, saltem ex parte ipsius potentie (ut subtilissimè explicavit Scotus) per amorem beatificum à creatura rationali tollatur, imò optimè intelligitur paratissimos esse sanctos omnes, clarâ Dei visione, ac proinde & amore beatifico carere, si Deus ita ordinavit, cujus nutibus servire, regnare est. Illud etiam facilè intelligitur, sic esse dispositos sanctos omnes inferioris meriti, ut si, aucto lumine, emioctiores in verbo viderent rationes diligendi Deum, deserto priori, sublimiorem amorem elicerent, quod certè fieri posse non ita parergum est, cum non desint celeberrimi Theologi, qui sustineant non tantum extensivè sed & intensivè augendam fore beatitudinem post resurrectionem.

Si ne illæ quidem arideant hypothesès, pone Paulum raptum ad tertium cælum, videntemque Deum facie ad faciem, non dubitabis quin Paulus sic Deum tunc amârit ut pro electorum salute paratus fuerit, Deo sic ordinante, ad vitæ hujus redire miseras. Intelligimus proinde amorem beatificum ita totam penetrare voluntatem, ut præcipuè in ea operetur plenissimam erga divinum beneplacitum submissionem, aded ut dubitandum non sit, Sanctos omnes, Deo sic ordinante tam paratos esse terram repetere, ut annuntient mirabilia Dei, quam fuerit paratus Paulus, postquam audierat arcana verba, quæ non licebat homini loqui.

Et hæc quidem promptitudo voluntatis satis ostendit illam potentie indifferentiam, de qua supra, dum ex ea constat, ad hunc amorem non determinari sanctos naturæ necessi-

cessitate, sed confirmatione gratiæ, ex merâ ordinatione Dei, qui beatitudinis impedimenta omnia remove re decrevit. Sic & intelligimus amorem illum laude esse dignissimum, cui proinde ascribenda est propriè dicta libertas, & non tantum libertas à coactione, non tantum naturalis spontaneitas, qualis in pueris, somniantibus, & ipsius quoque brutis reperitur, à qua non possunt actus humani laudem vel vituperium obtinere.

Hanc doctrinam præ cæteris omnibus constantissimè defendit Ordo S. Francisci, in quo primus occurrit Doctor irrefragabilis Alexander de Ales, cujus opus in Theologia approbatum est Innocentii IV. & Alexandri IV. Bullis, & sexaginta Magistrorum Parisiensium sententia. Tantus ergo Doctor disertè docet 2. parte quæst. 72. membro 6. art. 2. quod liberum arbitrium humanum do so est causa contingentium; quod autem in futuro erit causa necessariorum, hoc est ex superadditione determinationis, quæ est à iustitia causa prima retribuentis. Ne vero te necessitatis nomen conturbet, cum membi. 3. art. 3. ejusdem quæstionis ex Bernardo sibi hoc formasset argumentum: *Vbi est necessitas, non est libertas, sed in Angelis est necessitas ergò. Responder quod est duplex necessitas, inevitabilitatis & coactionis. Necessitas coactionis (sub qua comprehendere merè naturalem juxta illius ætatis phrasim) tollit liberum arbitrium, sed non necessitas inevitabilitatis. Licet ergo in Angelis sit necessitas inevitabilitatis, nihilominus tamen liberum arbitrium. Vnde Bernardus; QVOD DIABOLVS NON POTEST BONVM, NON EST EX ALIENA OPPRESSIONE, SED EX VOLUNTARIA OBSTINATIONE, ET OBSTINATA VOLVNTATE.*

Tum conformiter loquens de Christo memb. 3. art. 5. Cum dicitur, inquit, quod liberum arbitrium Christi non potuit peccare, hoc dicitur non ratione natura in se considerata, sed ratione gratiæ unionis per quam confirmatus fuit in bono; unde se efficit natura humana separata à divina, & non esset per gratiam confirmata, esset possibilis ad peccatum. Illud ergo quod dicitur, quod liberum arbitrium est, quo homo potest peccare & rectè agere, intelligitur ratione natura; quod vero dicitur, quod Christus non potuit peccare, hoc dicitur ratione gratiæ.

Ne in apice quidem à Magistri sui vestigiis declinat S. Bonaventura, cujus eadem est doctrina in 2. dist. 25. q. 2. ubi tam apertè docet, *Arbitrium dupliciter posse dici liberum, aut secundum quod liberum, aut secundum quod deliborans. Si loquamur de ipso secundum quod liberum, sic concedo quod potest esse non solum respectu contingentis, sed etiam necessarii, sicut patet in Deo, in Christo, & in Angelis, & in hominibus beatis. Cum enim duplex sit necessitas, videlicet coactionis & immutabilitatis, necessitas coactionis repugnat libertati arbitrii, non autem necessitas immutabilitatis, eo quod arbitrium dicitur liberum; non quia sic velit hoc, ut possit velle ejus oppositum, sed quia omni quod vult, appetit ad sui ipsius imperium, quia sic vult aliquid ut velit se velle illud, & idè in actu volendi seipsum movere, & sibi dominatur, & pro tanto dicitur liberum, quamvis immutabiliter ordinetur ad illud. Hic iterum repeto, non minus Bonaventuram quam Alensem sub necessitate coactionis comprehendere merè naturalem, ut ille disertè exprimit in 3. dist. 18. art. 1. q. 2. Determinatio potentia ad unum, inquit, potest esse dupliciter, videlicet per necessitatem natura & per confirmationem gratiæ. Si sit per necessitatem natura, tunc tollit arbitrii libertatem, ac per hoc tollit dignitatem meriti. Si autem sit determinatio per confirmationem gratiæ, cum talis confirmatio simul stet cum libera voluntate, sic non tollit ab ipso opere bonitatem meriti, cum sit voluntarium, ac per hoc nec qualitatem meriti. In Christo autem fuit liberum arbitrium determinatum ad unum non per necessitatem natura, sed per confirmationem gratiæ.*

Doctrina S. Bonaventuræ tantoperè placuit Nicolao de Orbellis, ut Bonaventuræ verbis quam suis maluerit eam exprimere in 2. dist. 25. "Dicitur liberum arbitrium simpliciter, non quod sic velit hoc, ut possit velle ejus oppositum, sed quia omnia quod

„vult; appetit ad sui ipsius imperium, quia sic vult aliquid, ut velit se velle illud, & ideo in actu volendi seipsam movet, & sibi dominatur, & pro tanto dicitur liberum
 „quamvis immutabiliter ordinetur ad illud.

Hæc est doctrina illius Bonaventuræ, quem Collegæ nostro tantopere commendat ERASMUS PILIUS hortans, ut aures occludat consiliis aliorum quorundam, quos non dubitat dogmata Bonaventuræ contraria illi instillaturos. „ Si assessores placet assumere, inquit pag. 51. lib. 2. Noli assumere tum principale FRANCISCUM VAN VIANE, tumve adiutorem JOANNEM LIBERTUM HENNEBAL. Vereor ne isti sine ulteriori examine aut deliberatione suadeant ut mordicus tuearis, quod semel concepisti dogma. Assessores assume, veritatis quam præconceptæ opinionis amantiores. Assessores assume Sanctos Patres ac Theologos antiquos, Doctorem v. gr. Angelicum aut Seraphicum. „

Expendat ERASMUS, quid suo immineat capiti, si ab electo iudice non appellârit, nimis enim Seraphici Doctoris fulget sententia, quam ut possit vanæ ac imperitæ elacitatis fumo quodam obumbrari,

Alensem ac Bonaventuram ponè sequitur Richardus à Media-villa ejusdem Ordinis Theologus, qui Bernardi doctrinæ (quam in 2. dist. 7. art. 1. q. 2. ad 2. explicat.) consentiens, „Necessitas, inquit, quâ Angeli non diligunt nisi bonum, non est necessitas coactionis, quia nonobstante illa necessitate liberrimè motu dilectionis movent se. Et simili ratione docet (Bernardus) quod obstinatio libertatem à necessitate non tollit, nec minuit, sed obstinati (dæmones) per suum liberam arbitrium ad malum movent se libere. „ Conformiter ad hæc libertatem Christi cum bene agendi quâdam necessitate sic conciliat in 3. dist. 12. art. 2. q. 1. ad 2. *Quamvis necessitas coactionis tollat rationem meriti, vel demeriti, necessitas tamen, quæ est ex perfectione bonitatis non tollit rationem meriti in viatore.*

Tempus me deficit, si cæteros Ordinis hujus Auctores colligere voluero, cum enim tam evidens sit Magistrorum doctrina, necesse est, ut paria senserint omnes in hoc Ordine Discipuli, qui suprà Magistros suos sapere noverint.

Libere diximus jam pridem, iterumque dicimus, doctrinam de gratia per se efficaci à sæculo fuisse familiarem Scotistis omnibus, neque hæcenus comparuit, qui assertionis hujus producta fundamenta convelleret.

Non video cur pari libertate dicere non liceat, eandem Scholam vindicasse jam pridem amoris beatifici libertatem, cum ne ipsi quidem Scotistæ nec Scotistarum adversarii illud ipsum à sæculo negarent.

Eat nunc ERASMUS PILIUS, fraudesque nostras huic Scholæ detegat, quæ usque ad tempora Lemos nihil fraudis in Scoti sui vel Bonaventuræ doctrina latere credidit. Sed subtilior est illa, ut Scoti Advocatum patiatum esse discipulum Molinæ, cui manifestum fuit doctrinam Scoti esse plusquam periculosam in fide.

§. 7.

Quid nobis timendum ab aliis Religiosis Ordinibus?

TImendum monet PILIUS à Schola filiorum S. Eliæ, quia non ignorat Collega noster spiritum zelosissimi illius sancti etiamnum vigere integrum in filiis, qui exemplo sui Patriarchæ fulmina sollicitabant Vaticanæ. Spiritum zelosissimi illius Patriarchæ viguisse integrum in filiis tunc præcipue vidimus, cum Germanum Philalethem Eupistinum apud Apostolicam Sedem tam graviter accusarunt Molinistæ, sed irrito conatu Vaticanæ sollicitudine,

licitarunt fulmina. Imo verò zelosissimi illius Patriarchæ filii illatam Collegæ reparaturi injuriam suæ non semel Provinciæ eum præfecerunt, ut orbi testarentur universo, nihil esse in Philalethis libro tantoperè à Molinistis exagitato, quod eum à primis illius Ordinis capessendis dignitatibus justè remorari posset.

Hic tamen est ille Philalethes, qui tam operosè pro stabilienda libertate amoris beatifici defudavit toto opusculo tertio tom. 2., probans suam doctrinam non tantum SS. Augustino & Thomæ, sed omnibus quoque Thomistarum principis esse conformem. Unde licet eos in ipso opusculi præmio affatur num. 3. *Vnum ante omnia ab Angelicis requirere discipulis, ut conclusionem nostram de dominio amoris beatifici non in se considerent, sed in principis, ex quibus deducitur, videbunt me ne latum quidem unguem à principis recedere Thomisticis.... Si cum veritate nostra assertionis sit veritas principiorum, qua communiter à Thomistis traduntur quoad formalem libertatem & indifferentiam judicii, confido in Domino, non male laturos veritate Thomistica amatores, si ad conciliandum discipulum Magistro, S. Thomam S. Augustino, si, inquam, ex dictis principis communiter ab omnibus Thomistis receptis non tam novam conclusionem, quam antiquam novè deduxerim in memoria habens illud Vincentii Lirinensis, ITA DOCENS VT DVM DICIT NOVE, NON DICAT NOVA. Concedem ubique gemini Ecclesiæ solis concordem gloriam.* in his Philalethis opusculis se conspexisse testatur Exim. D. Nicolaus Josephus de la Verdure S. T. D. & Professor Regius in Academia Duacensi; imo & addit, secundum hunc tomum adeo sibi probari, ut non solum novo prælo dignum judicaveris, sed & ipso curaveris, ut quam primum lucem videret ad majorem cordatorum utilitatem, & gemini Ecclesiæ solis concordem gloriam.

Parem cum Philalethe subiit aleam Macarius Havermans Canonicus Præmonstratensis, pari zelo accusatus à Molinistis Vaticana fulmina perpetuè minantibus; & pari æquitate à S. Congregatione absolutus, quia firmitioribus nitebatur fundamentis ejus hac in parte doctrina, quam ut concuti tam faciliè posset. Ne censuræ quidem umbram, quidquid niteretur, extorquere potuerunt æmuli ejus, cum Augustini veritas scuto suo circumdederat, ut totum ejus Ordinem traditâ ei Regulâ perpetuè dirigat. Quam multi ex eodem Ordine subscribant sui Havermans sententiæ, nec ipsos Molinistas latere potest.

Eandem validè tuetur Guilielmus Gibienf Congregationis Oratorii Presbyter & Doctor Sorbonicus in libris suis de libertate Dei & creaturæ. Præ cæteris aliquid debet ERASMO PILIO huic Auctori, cujus laborem æternitati inscribendum; omnibus probandum, omnibus profutorum auguratus est in sua illius libri censura Iacius Habertus ERASMO PILIO tam charus.

Vulgatam libertatis definitionem eo habet loco hic Auctor, quo Thomistæ suprâ citati. Recentiores, inquit lib. 1. cap. 32. num. 9. *Ut Almainus & alii nonnulli suam liberi definitionem subjungunt: LIBERVm ESSE, QVOD POSITIS OMNIBVS AD AGENDVM PRÆ-REVISITIS EX PARTE PRINCIPII POTEST AGERE ET NON AGERE. Nec illam omnibus aliis præponere ardeant, cum nulla forè non ei anteferranda sit. Principia varia per duos libros tradit, quæ illi definitioni, prout à Molinistis explicatur, è diametro adversantur, è quibus concludit libri 2. cap. 27. num. 3. " Cum ea sit rerum omnium & perfectionum natura, ut quo ad principium proprius accedunt, eò uberioribus sint & lætiores, libertatem ad Deum reductam beatissimo gloriæ statu locupletiorum fore.... Libertas summi & universalis boni amplitudine constat. Quicumque illius capax est, in libertatis ingressu versatur. Quicumque ad illud tendit, in libertate progreditur. Quicumque tandem plenâ perfectæque possessione illud adeptus est, in libertate quoque consummatus est. Miratur ibidem num. 2. placere quibusdam, liberos esse sanctos, circa objecta secundaria, non circa primum; non liberos in exercitio amoris Dei, sed liberrimos in sua intercessione pro viatoribus. At hoc ipsum est, inquit, quod nul-*

„latenus constare posse contendimus. Si enim sancti nihil velle nec agere possint, nisi
 „attendendo ad Deum clarè visum, ut habet D. Thomas, & ne latum quidem unguem
 „à divina voluntate discedere queunt, quam necessarium eis est amare Deum, tam ne-
 „cessario eis incumbit, ut orent pro viatoribus omnibus, pro quibus id Deum velle per-
 „spexerint.”

Facile esset plura corradere, quibus ERASMI PILII confunderetur maledicentia, quâ nos tanquam hæreticos, Hyper-hæreticos, belluasque depinxit, sed hæc sufficere arbitror, ut æquus lector statuat, quibus deplorandum sit lacrymis, sacris quotidie altaribus adstare Sacerdotes, sumereque pacis ac charitatis Sacramentum, dum nihil minus quam pacem charitatemque cogitant, ne quidem solliciti tam evidenter illatam variis injuriarum reparare.

Potestne major cuiquam inferri injuria quam si de hæresi, Hyper-hæresi, commentis belluinis monstrosisque notetur? Potuine quispiam infelicius ERASMO PILIO nobis ea offingere? Libelli interim illi ubique sparguntur, omnia commoventur, neque unquam, agnitâ etiam veritate à fidelium hæreticorumve manibus excutientur. Ignoscat Dominus reis, augeatque læsis & innocentibus fortitudinem, ut hos non conturbet, quidquid eis acciderit.

Meliora spero & paci viciniora à Religiosis illis Ordinibus, quorum doctrinam de libertate amoris beatifici paucis hic explicui, speroque placitum nobis deinceps (quod placuit hætenus, Augustini consilium lib. 2. de genesi ad litt. cap. 18.) *Vi nempe struata semper moderatione pia gravitatis nihil de re obscura (qualis est libertas amoris beatifici) temerè credamus, ne fortè quod postea veritas patefecerit, propter amorem nostri erroris oderimus.*

Tam diu credam rectè cum sententia hic propugnata majorum nostrorum doctrinam me conciliasse Thesis 1. §. 6. donec solide expositio data expugnetur. Interim propèro ad refutandos alios articulos, super quibus novam nobis movere placuit ERASMO PILIO controversiam per secundum libellum.

§. 8.

An ERASMUS PILIUS doctrinam Collegæ nostri de necessitate gratiæ falcius exagitet, quam ejusdem doctrinam de libertate amoris beatifici?

TOTUS in eo versatur ERASMI PILII Libellus secundus, ut exagitet hoc Collegæ nostri dogma ex Compendio 1679. pag. 24. *Non datur omnibus gratia sufficient.... Neque verum est, quod sine gratia sufficiente adulti non essent liberi ad supernaturalium præceptorum adimpletionem.* Illi quadrare censet lib. 1. pag. 65. & 66. quod de Facultate Lovaniensi scripsisse dicit Joannem à Stryen Episcopum Middelburgensem ad Illustrissimum Mechliniensem 19. Feb. 1588. his verbis: " Ut Africa semper aliquid monstri, ita hæc, Facultas novæ doctrinæ aliquid gignit. Quod ille confirmans subdit: Quam novum est dogma, quo statuit Gummarus nos sine gratia Dei habere libertatem exercendi actus supernaturales fidei, spei, & charitatis? *Plus audeat lib. 2. pag. 55.* Inter omnes adversarios, inquit, ne vel unus invenietur, quin fateatur sine gratia proximè vel remotè sufficienti nullam esse libertatem, nullam potestatem ad servanda præcepta supernaturalia. *Imo ut ait pag. 50.* Eligit dogmatizare, nos sine gratia esse liberos ad præceptorum supernaturalium adimpletionem: hoc est (ut mihi quidem apparet) ne deferat dogma Jansenii, amplectitur dogma Pelagii.”

Quid hic primum discutiam, ignoro; adedò indigna & imperita sunt omnia. Ecquid enim illud est, quod scripsisse fertur in privatis quibusdam epistolis ille Middelburgensis Episcopus,

Episcopus, cujus nullæ erant in hoc negotio partes? Opponitur ergo unus ille omnibus Belgii Episcopis, omnibus Cathedralibus Theologis, inter quos cum præ cæteris concubundi fuissent Ipresens, tandem instante Mechliniensis Archiepiscopo, sub finem Decemb. 1587. misit Ipresens Episcopus suam & Theologorum Ecclesiæ suæ sententiam subscribens Censuræ Lovaniensi. In unam ergo jam sententiam convenerant omnes Episcopi Belgii, omnes Cathedralis Theologi, ut idcirco Mechliniensis ac Cameracensis Metropolitæ, ut ait Imago primi sæculi, Synodum pararent Episcoporum, qui Lessii Hameliique dogmata à duabus facultatibus damnata discerent, eademque toto proscriberent Belgio. Quanti tunc in Belgio forent Episcopi, quanto fidei zelo succensi norunt illi, qui Lindani, Vindevillii, aliorumque gesta legerunt. His tamen omnibus Strienus unus opponitur. Plus valet unius auctoritas ut Lovaniensis doctrina probetur nova, quam tot Episcoporum, tot Doctorum, tot Cathedralium Theologorum ut probetur Orthodoxa ac Augustiniana. Quidni toties rogati, toties provocati vel nunc tandem proferant Religiosum Sacræ Theologiæ Professorem, qui, fervente hæc cum facultate controversiâ, Lessii partes in Belgio secutus sit? Qui si proferri non possit, ut hæcenus non potuit, judicet Lector, quâ æquitate spretis omnibus Episcopis, Doctoribus, Cathedralibus Theologis, ad unum omnibus Religiosis Sacræ Theologiæ in Belgio Professoribus, privata Strieni Epistola tanti fiat, ut propter illam unam tantquam monstruosa subannari possit Censura Lovaniensis, quam tanti viri uno omnes ore probârunt.

Illud quoque præcipuè notatu dignum est, tanquam novam in Lovaniensi Schola notari doctrinam, quam Doctores & Episcopi tanto in illa tempore versati unanimem fuisse jam pridem Magistrorum Lovaniensium, paucissimis exceptis, luculenter confessi sunt. Confessus est Ertius in oratione sua sæpe memorata, Confessi Lovanienses in peroratione suæ justificationis, coram Lindano aliisque Episcopis, qui in hac Universitate educti erant, neque illius erant genii, qui in materia Religionis, quæ tanto tunc zelo agitabatur, passî fuissent cum hæreticorum scandalo mendacia illa imponi Ecclesiæ Dei.

Desierunt summè jactare Stapletonum, Doctorem pariter unicum suæ sententiæ vindicem, ex quo audierunt quo loco Doctor ille, saltem in hac materia, fuerit apud Thomam Lemos, qui seriò monet lib. 4. part. 2. tract. 4. num. 619. *Cavendus est*, inquit Stapletonus, *sicut Sancto Patri Augustino contradicens, & Pelagianis favens. Ut enim evitaret Calvinismum, incidit magnâ ex parte in Pelagianismum nesciens mediam viam inter utrumque tenere.* Nihil his addo, ne illa mihi adscribat ERASMUS PILIUS, quæ refert malo, quam assertionem meam firmare.

Sed de his pluriquam satis, quæ alibi sæpius fuerunt repetita, at ERASMI PILIUM magis stringunt, quam ut illorum faciliè aggrediatur tractationem, è qua pateret luce meridiana clarius, quibus primum initiis cœperit in Belgio Lessii dogma propagari.

Nunc quod atinet articulum, quem exagitandum suscepit ERASMUS PILIUS, ipse non capio, quâ fronte dogma illud carpar ut novum, quod superiori sæculo tradiderunt uno consensu Facultas Lovaniensis & Duacensis, quarum judicium præstantissimi illi Episcopi & Theologi, quorum meminimus, unanimi consensu secuti sunt. Sed cum tantopere illos ERASMUS PILIUS exhorreat, proferemus & alios, ut innolescat omnibus, quam falsum sit, quod *inter omnes ERASMI PILI adversarios non vel unus invenietur, quin fateatur sine gratia proximè vel remotè sufficienti, nullam esse libertatem, nullam potestatem ad servanda præcepta supernaturalia.*

Peregrinus est ERASMUS PILIUS in adversariorum suorum doctrina, dum tam liberè assertiones ejusmodi audet proferre.

Consultat Lemos lib. 4. part. 2. num. 145. ac videbit quomodo qui *actualiter habens*

anxi-

auxilium sufficiens dicitur posse salvari per potentiam proximam & formalem, qua in ipsis est; qui autem nullo modo auxilium habent sufficiens gratia, dicuntur posse salvari per potentiam, qua est in Deo; qui potest eis tribuere auxilium, quo salvantur, & per potentiam liberi arbitrii, qua illud auxilium recipere à Deo potest. Cumque dixisset cap. 12. num. 181. procul-dubio aperta sententia S. Augustini est, quod non omnibus datur supernaturale Dei adiutorium, etiam ad vitanda peccata, mox ERASMI PILIT cavillos refellit addens ibidem: " Quando in hac materia S. P. Augustinus & nos asserimus, hominem sine auxilio gratiae vitare peccata, tum non posse, non intelligitur ista impotentia esse ex defectu libertatis, ita quod ad id libertatem non habeat (hoc enim nec sentimus, nec sentire possumus) sed sensus est, quod non potest, id est non habet sufficientiam solis suis viribus ad id observandum. Aliud enim libertas est, & hanc homo ille habet: aliud sufficientia, & hanc solis suis viribus non habet. "

Sed repetenda sunt alius singula doctissimi illius viri principia, è quibus patebit, quod si Collega noster Pelagianas Offas deglucierit, jam pridem illas ipsi præcoxerit Scholæ Thomisticæ decus & ornamentum Thomas Lemos.

Ac primò quidem non omnibus pueris usum rationibus attingentibus dari gratiam sufficientem, quâ in Deum (ut tenentur juxta D. Thomam) converti possint, discretissimè docet tom. 4. lib. 4. p. 2. tract. 3. c. 12. n. 168. " Deus non tribuit, inquit, omnibus in unum, versum hominibus, nullo dempto, intrinsecum & sufficiens auxilium supernaturale ad implenda præcepta naturalia, quæ supposito peccato impleri non possunt solis naturæ viribus, etiam cum instat adimpletio præcepti. Similiter nec omni homini tribuit auxilium, ut peccata possit evitare. Itaque non omni puero venienti ad usum rationis datur tale supernaturale intrinsecum auxilium sufficiens, ut se convertat in bonum rationis, sed quibus datur, misericorditer datur; quibus non datur, in poenam peccati non datur, saltem originalis. CONCLUSIO ISTA, inquit, EST S. P. AUGUSTINI, ET S. THOMÆ NON OSCURA SENTENTIA, SIMILITER ET S. PROSPERI.

Tum generaliter prosequens ac probans cæteris quoque infidelibus ne quidem semper dari auxilium necessarium ad implenda præcepta naturalia, concludit n. 170. " Manifestum sit docere S. Augustinum, non omnes infideles accipere à Deo auxilium supernaturale intrinsecum, quo si vellent, possent Deo obedire, ac præcepta naturalia servare. HÆC EST APERTA S. AUGUSTINI SENTENTIA à cap. 6 (de corr. & gratia) usque ad 11. inclusivè. Item num. 174. IN S. PATRE AUGUSTINO HOC EST SATIS NOTUM, si littera attendatur, quod infideles omnes non habent adiutorium supernaturale intrinsecum sufficiens, etiam ad Deo obediendum in observatione etiam præceptorum naturalium, sed quod quibus datur, ex misericordia datur; quibus autem negatur, ex iusto iudicio negatur in poenam saltem peccati originalis. Et iterum n. 181. PROCYL DVBIO APERTA SENTENTIA S. AUGUSTINI EST, quod non omnibus datur supernaturale Dei adiutorium, etiam ad vitanda peccata. Cap. 13. eandem doctrinam luculentè probat ex Prospero; numerumque ibidem 105. sic concludit: idem probavimus facili ratione ex S. Fulgentio atque Hilario, nisi in immensum protraheretur probatio.

Properat ad D. Thom. cap. 14. è quo statim profert famosissimum locum ex 2. 2. q. 2. art. 5. ad 1. ubi sibi movet D. Thomas, quod " nullus tenetur ad id, quod in ejus potestate non est, sed credere aliquid explicitè non est in hominis potestate, quia ad id indiget divino gratiæ auxilio, quod in sua potestate non habet. Ergò credere, aliquid explicitè homo non tenetur. " Non poterat disertius proponere argumentum, quod nobis etiamnum hodie movet ERASMUS PILIUS. Ad hoc argumentum itaque respondet: " Ad primum dicendum, quod si in potestate hominis esse dicatur aliquid, exclu-

excluso auxilio gratiæ, sic ad multa tenetur homo, ad quæ non potest sine gratiæ præparante, sicut ad diligendum Deum & proximum, & similiter ad credendum articulos fidei, sed tamen hoc potest cum auxilio gratiæ, quod quidem auxilium quibusque cumque divinitus datur misericorditer datur, quibus autem non datur, ex iustitia non datur in pœnam præcedentis peccati, & saltem Originalis peccati, ut August. dicit lib. de corrupt. & grat. „

Accuratissimè hoc D. Thomæ responsum expendit Lemos. „ Ad ostendendum enim, inquit, se loqui non solum de auxilio gratiæ, quod datur immediatè ad credendum, de quo principaliter tractabat, sed etiam de illo, quod immediatè ad credendum non tribuitur, sed quod datur ad implenda naturalia mandata divina, quæ in natura lapsa solis naturæ viribus impleri non possunt, adhibuit non solum aliquid de auxilio naturali immediatè ad credendum requisito, verum etiam aliquid apposuit de auxilio supernaturali tributo ad diligendum Deum & proximum, quod est primum Decalogi præceptum, ut sic utrumque simul supernaturale auxilium complecteretur, & illud quod immediatè ad credendum datur, & quod immediatè disponit ad credendum, ut potè tributum ad naturalia mandata servanda. Et hanc generalem negativam doctrinam de utroque auxilio constituit, quod videlicet neutrum omnibus datur, sed quod sive unum, sive aliud quodcumque datur, misericorditer datur; quibus autem non datur, ex iustitia non datur, saltem in pœnam peccati originalis, quando actualia alia non essent. Et hanc clariori modo traditam doctrinam, docet expressam esse S. P. Augustini lib. de corr. & grat. cap. 11. & à nobis eodem modo, quo S. Thom. exponit, suprâ explicato. Dubitare ergo minus poterit, qui ad utriusque Doctoris sancti verba & contextum voluerit attendere *VTRIUSQUE HANC ESSE CONFORMEM DOCTRINAM*, quod non solum auxilium intrinsecum supernaturale (quod immediatè datur ad credendum) non datur omnibus verum etiam quodcumque aliud supernaturale intrinsecum auxilium sufficiens ad divina naturalia præcepta servanda omnibus non datur, sed aliquibus iuste negatur propter præcedentia peccata, & saltem propter originale.

Non obstante hac doctrina tam aperta docet idem Lemos ibid. cap. 10. n. 155. quod omnes cum fide fateri teneantur, neminem dum est in via, esse qui non possit salvari, & ad Deum converti. Imò teneandum, nullum esse instans, in quo converti ad Deum non possit, etiamsi pro omni instanti auxilium sufficiens non habeant.

Ergo, inquit Pilius, eandem, quam D. Gummarus, Pelagianam offam deglutiit Thomas Lemos. Certè si deglutiit Collega noster, deglutiit & Lemos illi per omnia consensienti, huncque nodum similiter solvens tom. 1. tract. 4. de sensu composito & diviso cap. 1. §. (Joan. etiam 12.) ubi disertissimè scribit quod *quomvis admittatur eos (quibus dictum est Joannis 12. non poterant credere, quia iterum dixit Isaias &c.) auxilium sufficiens non habuisse, adhuc concedendum non est, quod non poterant credere, id est, quod potentiam non haberent ad credendum, quia posset Deus eis auxilium suum dare, & illi per suam potentiam possent illud recipere, & hoc sufficit, ut verificetur, quod potentiam haberent ad credendum.*

Imminebant Lemos fulmina, nisi Pelagianismi vocem expressè avertisset tom. 4. part. 2. tract. 4. cap. 25. Ubi Tridentinos explicans canones, & præcipuè eos, quos nobis ERASMUS PILIUS opposuit, sic ait n. 330. „ Docet Concilium non habere ex se hominem veram potentiam siue gratia ad justam vitam, & multò minus ad vitam æternam habendam. Quia sine gratia talis vera potentia (proxima) in homine non est, nec potest esse, cum potentia ad actus supernaturales supernaturalis debeat esse, non naturalis, *NISI CUM PELAGIO* consentire velimus. Solum ergo est in homine „ sine

„ gratia capacitas ad habendum dona & auxilia gratiæ , quibus veram obtineat poenitentiam, quâ possit jam bene vivere & vitam æternam promereri. Unde quod Auctor (*quem ibidem oppugnat*) ait, nulli dubium esse, quod homo spoliatus donis gratuitis gratiæ possit, ex se habere illos actus, scilicet iuste vivere & vitam æternam promereri in sensu diviso, quomodo à Theologo dici possit non video, quia potius omnibus hoc debet esse certum, quod spoliatus homo omnibus donis gratiæ non potest, nec potentiam habet ex se ad illos supernaturales actus, sed ex se præcisè tantum habet capacitatem, vel quod idem est, potentiam radicalem atque remotam, ut possit elevari per dona gratiæ, & habere per illa potentiam proximam ad similes actus. Quare, negatâ gratiæ elevari, ut negatur in homine spoliato omnibus donis gratiæ, non est in homine ex se potentia ad actus supernaturales, quia illa potentia radicalis solum est in homine ut possit elevari per dona gratiæ, quæ potentia radicalis proinde capacitas est, quia capacitatem habet, ut possit elevari, quæ capacitas non est in arbore, equo, vel lapide. „

At si illa potentia proxima ad actus supernaturales desideretur in peccatore, quomodo poterit illi imputari v. gr. defectus fidei, vel charitatis, instante præcepto? Solvit hoc dubium ibidem cap. 15. tract. 3. n. 212. „ Optimè servant prædicti Doctores (Aug. & Thom.) verè peccatori utrumque imputari, licet non habeat auxilium sufficiens, quo converti possit, quia ex sua culpa ad talem necessitatem & impotentiam se coarctavit, ut pluribus ex illis SS. Doctoribus ostensum est. Cum ergo aliqui illorum discipuli affirmant non posse homini imputari novum peccatum, nisi Deus speciale auxilium gratis tribuat, quid aliud faciunt, si attendere volunt, quam illis sanctis Doctoribus contraria sentire, & rationem iustæ imputationis peccatorum, quam illi SS. PP. tradiderunt, insufficientem, imo nullam esse contendere?

Hanc doctrinam de sufficienti omnium auxilio, ut possint imputari peccata, censet Lemos exagitandam præ ista, quæ dicit esse certam legem dandi auxilium supernaturale iis, qui bene usi erunt naturalibus, quia (ut optimè notat) *hæc ponit legem dandi gratiam peccare volentibus.*

Tum num. 214. „ Concludamus, *inquit*, illud fundamentum prætendentium non iuste posse peccatori peccatum imputari, nisi ei detur auxilium gratiæ internæ sufficiens; primò contra doctrinam SS. Aug. & Thomæ procedere: secundò excusationem præbere peccantibus, ut adversus Dei gratiam excusationem prætendant de peccatis suis. Tertiò sub prætextu iusto peccati imputationis, peccatori demeritoriè peccanti gratiam sufficientem debitam ponit. Ac quartò, eandem esse querimoniam, quæ olim ab illis publicata est, quos S. Pater refert & impugnat lib. de cor. & grat. cap. 5. ac 6. cum sequentibus usque ad 11. inclusivè. „

Res pro Thoma Lemos confecta est, si quemadmodum à Pelagianismo, ita quoque se à Calvinismo purgare studuerit, hanc enim quoque notam ejusdem doctrinæ vindictibus injicit ERASMUS PILIUS. Sed miratur Lemos ejusdem tract. cap. 8. num. 127. vel Calvinismum, vel Lutheranismum huic posse opponi doctrinæ. „ Satis insulè, *inquit*, & sine delectu ista inducuntur ad suadendum sententiam illorum hæreticorum esse, & non dari omnibus auxilium sufficiens, quia sententia illorum est, non dari auxilium distinctum ab efficaci, imo ab efficaci, quo homo salvatur. Hoc hæretici illi dixerunt. An verò admissio verè sufficienti auxilio ab efficaci distincto, & dato eis, qui nec salvantur, nec de facto efficiantur ad Deum convertuntur (per quod totaliter illis hæreticis contradicatur) sint aliqui paucissimi peccatores ita obsecrati & indurati, ut eis propter præcedentia peccata tale sufficiens denegetur, nulla ex minima parte hæreticorum prædictæ sententiæ favet, quia ut visum est supra, sunt plures Catholici ex his qui

„ „ contra

„contra suprâ-dictos hæreticos scripserunt, qui aliquibus dicunt negari auxilium tale, sufficiens, sicut sunt Joannes Driedo, Ruardus Tapperus, Roffensis & alii. „ Et tamen, teste eodem Lemos suprâ relato, *omnes cum fide fatentur, neminem dum in via esse, esse, qui non possit salvari, & ad Deum converti. Imo tenendum, nullum esse instans, in quo ad Deum converti non possit.* Censuerunt proinde omnes illi cum maioribus nostris, Thomâ Lemos, & Collegâ nostro, eos, qui nullo modo auxilium habent sufficiens gratiæ, rectè dici posse salvari & converti per potentiam quæ est in Deo, qui potest eis tribuere auxilium, quo salventur, & per remotam potentiam liberi arbitrii, quæ illud auxilium recipere à Deo potest.

Hæc expendat ERASMUS PILIUS, caveatque deinceps tam præcipiti impetu effutire, quod inter omnes adversarios ne unus quidem invenitur, quin fateatur sine gratia Christi proximè vel remotè sufficiens nullam esse libertatem, nullam potestatem ad servanda præcepta supernaturalia.

Nos contra contendimus & probavimus, sine gratia Christi proximè vel remotè sufficiens veram dari libertatem, veram potestatem (saltem radicalem & remotam, quæ sufficit dum proxima deest in poenam præcedentis peccati) ad servanda præcepta tam supernaturalia, quam illa quoque naturalia, quæ sine gratia supernaturali impleri non possunt.

Contendimus hanc esse veram Augustini doctrinam, quam contrâ inimicos gratiæ sustinuit alibi sæpius, sed evidentissime lib. de corrept. & gratia usque ad cap. 11. inclusivè. Non dubitamus, quin suum Magistrum secuti sint Prosper, Fulgentius, Doctor Angelicus, imo quicquid illustrius Schola habuit usque ad tempora Molinæ & Lessii, ut mirandum non sit, quod hi eo tempore, quo primum hæc controversia cæpit, tam paucos habuerint sequaces, ut in Belgio (dum hæc quæstiones sedulò excutiebantur) nullam Academiam, nullum Episcopum, nullum Cathedralem Theologum, nullum Religiosum Ordinem, ac nequidem Religiosum ullum Sacræ Theologiæ Professore vel in hoc dogmate, vel in alio quocumque à Facultatibus Belgicis rejecto conciliare sibi potuerint. Hæc non pro nunc nostro confingimus, sed ipsam imaginem primi sæculi, acta ipsi Patribus Societatis optimè nota proferimus. Pro his interim ab ERASMO PILIO sola dicta nihilque Theologo dignum referimus. Cum exurgeret in nos, fortè vivos deglutisset nos, nisi tot manifestorum actorum veritas scuto nos circumdedisset.

§. 9.

AN ERASMUS PILIUS rectè exagitet Censuram Lovaniensem, ejusque justificationem?

MORE suo pergit ERASMUS PILIUS acceptas à Patre PHILIPPO DE VOS nœnias obtrudere, & contra omnem veri speciem, contra Thomistarum consensum unanimem, graviter accusare Censuram Lovaniensem, nunquam sollicitus respondere eis, quibus nec ipse nec ejus Collegarum ullus respondere hactenus tentavit.

Quæ imago primi sæculi, Isaacius Habertus aliique sæpè nobis opposuerunt, libenter audivimus, strenuè confutavimus, aded evidenter, ut nec ipsum ERASMUM PILIUM ausurum arbitrer, quod Collegæ ejus declinare maluerunt.

Eia, si vir est, calamum arripiat, suppetiasque ferat principali suo, qui argumentorum suorū infirmitatem, Censuræ Lovaniensi accedens undique robor sententiam maluit arenâ cedere, quam hanc controversiam operosius tractare. Refellat ergo ERASMUS non dictis, sed argumentis Theologo dignis, quæ opposui Patri DE VOS Thesis 2. §. 1.

& 6. Thes. 3. §. 1. & 3. Addat, si interpositor opem ejus impleret, responſionem ad §. 17. Thes. 6.

Cœpit jam pridem Censura illa à quibusdam Societatis Patribus satis iniquè tractari, quos tamen minus æquos hac in causa esse judices quilibet fatebitur, si directè contra eos emanasse illam expendit. At si veteres invenit hostes, invenit & vindices, inter quos non parum eminet Joannes à S. Thoma Philippi IV. Confessarius, qui Censuram illam, & Facultatem à qua emanavit, magnopere commendat q. 14. primæ partis disp. 20. art. 6. n. 9. *Doctores Lovanienſes*, inquit, *unanimi consensu in Decreto suo de hac re scientiam mediam negârunt. ... quorum judicium gravissimum huic materia addit pondus, quia magnam sibi promeruit toto terrarum orbe auctoritatem celeberrima illa Academia, qua nobis quoque primum Theologia lae instravit.*

Non minus eam commendant Carmelitæ Salmanticenses, qui suam de gratia per se efficaci conclusionem, non sine addito Universitatis Elogio, sic confirmant: *Idem docet gravissima Academia Lovanienſis in scriptis D. Augustini voratissima.* Et rursus tract. 3. de scientia Dei disp. 10. n. 130. agentes de scientia media; *Eandem sententiam*, inquit, *aperto Marte tuetur Academia Lovanienſis, qua unanimi consensu constanter negavit & impugnavit scientiam mediam, in quo unico testimonio plures & gravissimi Doctores continentur. Quin imò talis eorum communis consensus satis denotat sententiam denegantem scientiam mediam non esse noviter ab ipsis introductam, sed illam à majoribus accepisse, maximè quia eam ex Augustini doctrina desumunt.*

Frustrà omnia repeterem, quæ aliàs produxi ex Lemos, Alvarez, Gonet, Baronio, Academia Tholofana, Philalethe totque ejus censoribus aliisque pluribus, qui Censuram illam miris laudibus extulerunt, solliciti semper à Molinistarum cavillis eam vindicare, & retinere omnia, quæ etiamnum hodiè Molinistæ urgere non desinunt. Testis sit suprâ laudatus Joannes à S. Thoma, qui sibi opponit, quod in Congregationibus de auxiliis (cum pro Thomistarum sententiâ Lovanienſium Doctorem judicium adduceretur) Vastida dixit: *se mirari quomodo in conspectu Sanctitatis sue adducebantur in hac materia Doctores Lovanienſes, cum à S. Sede illis in hac parte fuerit impositum silentium, quia injustè in hac materia accusabant Patres Societatis de quibusdam propositionibus doctrina sacra. Refero quoque Vastidæ sic responsum fuisse comm Summo Pontifici à M. Fr. Thoma Lemos: Quod dicitis per hanc Sanctam Sedem fuisse impositum silentium Doctoribus Lovanienſibus in hac materia, quia vos injustè accusabant, non ita procedit, nam Breve Fal. Record. Sixti V. utrique parti & vobis & Lovanienſibus imponit super ro hac silentium, donec res ista fuerit per S. Sedem determinata. TVNC DIXIT P. VASTIDA: Vidiſti tu brevè CVI F. THOMAS: Vidi & revidi, & solum hoc continet. TVNC VASTIDA: Si nobis non imponeretur aliquid injustè à Lovanienſibus, non id præciperet Sancta hac Sedes. CVI F. THOMAS: Iustis de causis tunc utraque partes voluit tacere Pontifex Summus, usquedum res illa à S. Sede determinaretur, & jam nunc tempus est. Tum concludit Joannes à S. Thoma: Ita se res habet de Doctoribus Lovanienſibus. Imò ita se habere tam est evidens, ut mirari satis nequeam, Sixti V. vel Calatini Decretum nobis opponi, ut inde conciliatur Censuram Lovanienſem ejusque justificationem Decretis illis esse proſcriptam.*

Quid in illis demum est, ex quo hoc confici possit? Quod enim primum urget imago primi sæculi, & ex eâ ERASMUS PLETON aliique, nempe assertiones Lessii dici à Nuntio Calatino: *SANA DOCTRINA ARTICULOS*, ex multiplici capite propius expensum corruit; primum, quia in Brevi Sixti V. ad Nuntium Calatinum (quod refert Lemos tom. 1. tract. 6. cap. 1.) non vocantur *sana*, sed *sacra doctrina articuli*, neque quippiam in re dogmatica decernendi potestas illi Nuntio conceditur, sed tantum jubendi, ut inter se diffidentes

dentes ab omni decertatione desisterent, quoad Apostolicâ auctoritate de eorum controversiis ac disceptationibus maturè discernatur. Magnam fidem meretur hic Lemos, qui breve vidit & revidit, maximè cum ex discursu Vastidæ sic & Vastida legisse videatur.

Quamquam si ipse Pontifex ortas dixisset fuisse Lovanii controversias super quibusdam sanæ doctrinæ articulis, causæ tantum nostræ magis fuisse propitius probaretur, cum has controversias excitasse non Lovanienfes Theologi, sed Professores Societatis Jesu dicendi sint, dum hi à titis majorum suorum deviarunt Semitis, in quas ut redire vellent tanto affectu sic supplicarunt Doctores Lovanienfes in præfatione suæ Censuræ pag. 18. *Obsecramus vos in Christi visceribus, ut rem hanc totam, seposito paulisper anticipata opinione præjudicio, liberis animis insuere seridique expendere dignemini, ut si fieri queat in tam magno fidei nestra de gratia Christi ac Dei prædestinatione negotio unum idemque concorditer sapiamus, eo magis quod (ut idem de Massiliensibus queritur Presbyter) eadem aliquando nobiscum melioraque senseritis. Neque enim de studiorum excidit memoria, quam, Reverendi Patres, Robertus Bellarminus ex eadem Cathedra vestra de his ipsis argumentis nuper & publicè docuerit vestro nunc degemati planè adversa atque contraria.* Quod cum ne ipsi quidem Societatis Professores negare possent, evidens erat, Lovanienfium doctrinam aded Belgis omnibus fuisse communem, ut ante annum 1586. ne ipsi quidem Societatis Patres in dubium eam revocarent.

Si è sacra Prædicatorum familia quispiam hodie Molinismum per fas & nefas in ea tradere vellet, ita quidem ut aliorum ejusdem Ordinis Patrum ac Doctorum graviter quoque notaret sententiam, æquis ibidem controversias excitasse diceretur, an ille qui receptam illius Ordinis doctrinam invasit, an Ordo ipse qui contra hunc Novaturientem defendens eandem pergit? Neminem futurum arbitror, qui controversiæ originem Novaturienti illi non adscribat. Quæ si ita se habent in particulari Ordine, expendere debebant Societatis Professores, ne Belgicorum moruum eis adscriberetur Origo, dum inveherent dogmata non tantum Theologorum aliorum, sed ipsorum quoque Societatis Jesu Professorum placitis hactenus contraria.

Denique ne illud quidem contendere hodie arbitror illos Professores, sic articulos suos dici *sana doctrina*, ut oppositi ab eodem Calatino repudientur tanquam à sana doctrina alieni. Neque illud contendere possunt, quin generis humani indignationem incurrant, maximè postquam excusâ doctrinæ illius origine, omnes hodiè intelligunt, quibus fuerit obnoxia periculis sub duobus Pontificibus Clemente VIII. & Paulo V. Sentire proinde eos arbitror, assertiones suas dici sanæ doctrinæ articulos, merè ideo quod Sedis Apostolicæ nullam planè hactenus Censuram subiisse, aut etiamnum mereri censeant.

Quod etiam eis largiremur, imò dupliciussè quoque Sedi Apostolicæ fateremur, quod Censuram illam Facultas Theologica Lovanienfis emiseric, nondum conficeretur, eam proscriptam esse tali Decreto, quod futuris tantum providet temporibus, nihil de præteritis statuens.

Exemplo simili res clarius apparebit. Bannez & ejus Discipuli, inquit Ripalda, in publicis disputationibus privatisque sermonibus & scriptis, ceperunt notare sententiam illam (Molinæ) Pelagianam. Contra nostri, ut notam Pelagianismi sua sententia vitarent, objiciebant opposita nosam Calvinismi. Accessit Pontificium Decretum, quo utrique parti veruit, ne deinceps pars altera alteram censuris gravioribus perstringeret. Fingamus acriores illas censuras antea quoque dupliciussè Sedi Apostolicæ, imò eas in futurum vetuisse, quia jam præteritæ displicebant. An inde conficies vel Commentaria Bannezii aut Molinistarum, qui se Bonnezio opposuerunt, proscripta, ac deinceps Theologorum manibus excutienda esse?

Quod si nullâ veri specie dici possit, paradoxum est, quod de proscriptioe Censuræ Lovaniensis tam liberè scribitur ac proclamatur.

Maximè cum ex ipso pateat Decreto, ne quidem illud dirigi contra Doctores Lovanienses, aperte enim pronuntiat Sedis Apostolicæ Legatus, quod partes ipsæ (Theologi nempe Universitatis Lovaniensis Professoresque Societatis Jesu) cohortationes ejus non recusaverint humilesque ac obedientes Sux Sanctitati Sanctæque Sedi Apostolicæ se præbuerint, adeo ut Decreto ejusmodi opus non fuisset, nisi ut in eodem exprimitur, "aliqui etiam diversorum Ordinum Regulares Clericique sæculares, ac potissimum studiosi de assertionibus, de quibus controversia erat inter dictæ Universitatis Lovaniensis Theologos, & Sacerdotes Societatis Jesu Sacram Theologiam proficientes, tam pertinaciter pro alterutra parte contendissent, & temeritate quâdam in suis Concionibus, Lectionibus, Disputationibus scriptisque privatis alterius partis sententiam damnaissent.

Cum ergo in ipso Decreto clarissimè exprimitur, ne quidem illud dirigi contra Doctores, sed occasione illorum, quæ per discipulos utriusque partis levius gesta erant, sanciri in posterum, ut omnes à carpendis mutuis sententiis sibi temperent, fallor, si æquus Lector, viso & expenso Decreto illo, non mirabitur, illud esse Decretum, quod toties jactatur, ac Censuræ Lovaniensi opponitur.

§. 10.

Rektendè accusetur Censura Lovaniensis tanquam Amica Calvinistis?

Si eam accusat ERASMUS PILTUS lib. 2. pag. 77. Calvinistamque Censuræ Lovaniensis Encomiasten profert pag. 72. Melchiorem Leydeckerum, qui illam plurimum laudavit 26. Junii 1680. Ad hæc ERASMUS: *Non est pulchra laus, qua ex Calviniano fuit calamo; signum est, quandam esse Symphoniam inter Calvini & Censura illius doctrinam. Paterat vel ex ipsa Laude Calviniana apud Orthodoxos aliquid decedere auctoritatis Censura ipsi Lovaniensi.*

Nescio an idem de Scriptura Sacra, S. Augustino, veteribusque illis Ecclesiæ Patribus, quos præ cæteris commendant Calvinistæ, idem dicere non erubesceret. Hoc scio, pari ratione dici posse: *Non est pulchra laus, qua ex Calviniano fuit calamo; signum est quandam esse symphoniam inter Calvini & scriptura vel Augustini doctrinam. Paterat vel ex ipsa laude Calviniana apud Orthodoxos aliquid decedere auctoritatis Scriptura Sacra vel Augustino.* Fortè idèd Scripturæ & Augustini studium tantopere exolevit apud aliquos, qui studii ejusmodi exaggerantes pericula malunt illius rogere fastidium quam tollere.

Benedictus sit Deus, qui hæc à nobis avertit insaniam, ut Calvini libros ab Ecclesia justissimè proscriptos nunquam commentariis ullis illustrare aut vindicare, aut quocumque modo ad confirmandam doctrinam nostram allegare tantum cogitaverimus. Utinam tam essent immaculati Molinistæ circa Faustum, Cassianum, totque alios pro sua doctrina expresse non semel allegatos, imò commentariis illustratos, quemadmodum sæpius demonstratum est. Sed ad hæc altè silent, maluntque confectaria quædam è dogmatibus nostris pro nutu suo elicere, & Calviniana nobis dogmata per summam injuriam affingere, quàm inverecunda à Collegis suis in Augustinum Augustinique discipulos jactata sæpius scommata diluere, eisdemque Collegas de nimia in auctores ab Ecclesia damnatos purgare benevolentia.

Saltem si inde constidam nobis purarar invidiam, quod Censuram Lovaniensem Leydekerus laudasset, quomodo non timnit, ne fronti ejus illiderem, quod objeci interpositori in fine §. 16? Majusne crimen est à Leydeckero, quam ab Armimio laudari? Atqui tamen

tamen Arminius, ejusque affectæ Perchinus, Arnoldus Vossius, Grotius Molinam laudant, Pennorum noctu diuque legunt, Suarem sibi in Magistrum & Patronum asciscunt. Ergo si ex unius Leydeckeri laude tantum debeat auctoritatis apud Orthodoxos nostris decedere, detrahendum plus erit aliquid Molinæ, Pennoro, & Suarez, qui à tam multis hæreticis laudantur.

Nolim his diutius immorari anbelans indagare Symphoniam illam quam esse inter Calvinum & Centuræ Lovanienſis doctrinam jactat ERASMUS PILIUS.

Prima illa symphonia est in materia de prædestinatione; cum enim Majores nostri prædestinationem ad gloriam prætenderent juxta Augustinum esse omnino gratuitam, non erubuerunt Societatis Professores aperte scribere in præfatione suæ Apologiæ: *Doctrinam illam ad B. Augustini non esse, ut Calvinus sit potius, qui falsè eam Augustino imponat.*

Quo mereretur stylo configi tam impudens assertio? Sed ad repellendam tantam injuriam hic exposuisse sufficiat Calvinianam de prædestinatione hæresim, quæ est, *ita vero Dei beneplacito præparatum regnum, ut non sit ex meritis comparandum.* Hocine Majores nostri docuerunt? Ino vero pag. 93. num. 65. iustific. Id nos non dicimus, inquit, & sequi inde negamus. Ita enim prædestinatam asserimus gratuitâ Dei electione gloriam, ut tamen nisi ex meritis assequi non liceat, quæ tamen ipsa etiam homini sunt præparata, ut ad gloriam finem per ea perveniantur. Siquidem verè utrumque dicitur, & præparari gloriam propter merita, & merita propter gloriam. Illud quidem, ut significatur gloria causa meritoria, istud verò ut indicetur meritorum causa finalis. Quare viderins, qui in diversa sententia sunt, utri cum Calvino potius sentiant, ejusque adjuvent causam; illine qui ex gratuita Dei ad vitam electione tolli cum eo merita putant, an qui sequi hoc inde negant.

Lutheri quoque ac Calvinus, qui Lutherum aliquando secutus est, hæresim in materia de libertate damnant p. 180. & p. 181. n. 125. "Est verissimum, inquit, gratiæ ex-
citanti hominem liberè assentiri, seu acquiescere, quando per eam præparatus liberè
credit ac poenitentiam agit, neque nihil agere inspirationem illam recipiendo, quippè
qui & illam abjicere possit non credendo..... Agit ergo recipiendo mens hominis &
agit liberè, quia sic credit, ut per flexibilem in oppositum arbitrii libertatem possit
non credere.,, Ne verò foret obscurum, contra quam hæresim illa dirigerent, subscribunt Tridentino damnanti eos, qui asseruerant, "gratiam asserre credendi beneque vi-
vendi necessitatem, nec posse eum, qui credit, fidem suam abjicere. Item qui asse-
ruerant, liberum arbitrium, velut inanime quoddam nihil omnino agere, merèque se
passivè habere.,,

Et iterum pap. 110. "Hæresis in eo damnanda est, quod ita gratiæ voluntatis tribuat
determinationem, ut eam neget seipsam determinare, ranquam quæ merè passivè se
habeat, aut ex gratiæ determinatione necessarium subeat motum, liberâ electione
sublatâ.,,

Ne ipse quidem Molina negare ausit hic apertissimè reprobari Hæresim Calvinus, sive eam quam primò tenuit Luthero per omnia consentiens, sive quam postea, temperato paulisper Lutheri errore, ad declinandum generis humani odium visus est elegisse.

Detestantur quoque perniciosissimum Calvinus errorem, quo Deum peccati auctorem impudentissimè statuit. *Vi Christum Indai occiderent, inquit p. 129. n. 84. in eumque odio seu malignitate favirent permisit tantum (Deus) non autem (in quo Calvinus est error) etiam decrevit.* Delirasse ibidem censent Calvinum, dum dixit ad ipsam malitiam fuisse incitatum à Deo Judæorum voluntatem.

Si aliquam hic symphoniam audit ERASMUS PILIUS, magis eam credo audientis vitio, quam concinentium vocibus ascribendam esse; nisi forte inter veritatem, & errorem,

rorem, inter fidem & hæresim, inter Dei sapientiam, & humana deliria reperiri possit symphonia.

Destruit Calvinus libertatem & merita, destruit ipsa peccata, dum illorum auctorem esse Deum blasphemare non veretur. Exhorret ad has blasphemias unâ voce Schola Lovanien-
sis, exhorrent cum ea omnes Belgii Episcopi, omnes Cathedralis Theologi, tot etiam-
num ubique terrarum præstantissimi professores sive sæculares sive Regulares qui hanc
Lovanienfium Theologorum operam laudant & commendant ut suprâ audivimus. An
ergo & omnes illi Calvino concinunt?

An ipsi Societatis Patres, qui eandem nobiscum secuti sunt usque ad annum 1586.
(quo primum huic doctrinæ valedixerunt) Calvino concinuerunt? Malè igitur canit
Ecclesia, quod *constans fuerit omnium sensus etiam Pontificio confirmatus oraculo, Deum sicut
alios aliis temporibus sanctos viros, ita Luthero ejusdemque temporis hæreticis Ignatium & insti-
tutam ab eo societatem objecisse.* Vix crediderim, quod hujus elogii memoriam nobis refri-
candam putasset ERASMUS, si sensisset Calvinisino novum robur accedere, dum illi
concineret illa ipsa societas, quam commendat, & illo quidem tempore, quod præci-
puè illud elogium spectat.

Si enim doctrina de prædestinatione gratuita ad gloriam Calviniana est, & ob hanc
præcipuè sit inter Lovanienfes & Calvinum Symphonia, concinuit Calvino S. P. Ignatius,
qui filiis suis Thomam à Kempis tantopere commendavit, concinuerunt Theologi
Professores, qui circa ipsa S. Ignatii tempora Romæ eam publicè tradiderunt in Thesi-
bus, quas oportuit nuper edere integras, ne fortè verba pauca à locis suis avulsa que-
rerentur nonnulli in alienos detorqueri sensus. Relegendæ sunt tantum Theses illæ, ut
appareat frivolum esse nuperam cujusdam expositionem, cui de S. Salefio respondebo,
cum suppleverit defectum sui principalis eandem mihi litem moventis, sed hæcenus dif-
ferentis respondere ad replicam Thesim meam 2. §. 5.

Ex his concludo, imperitè admodum, ne dicam malignè confingi hanc inter Lova-
nienfes & Calvinistas Symphoniam, quam recantare ERASMUS PILIUS tenetur ju-
stissimè, nisi idem velit subire judicium, cui obnoxii jam pridem fuerunt ejus Collegæ,
qui cum Thomistarum doctrinam pari censurâ notassent, ne doctrinæ quidem suæ vin-
dices potuerunt aut possunt hodiè habere sequaces.

Cæterum si Calvinistæ quidam hodiè suprâ memoratos Calvini errores pariter nobis-
cum averfentur & exhorreant, gratulemur ipsis, gratulemur S. Matri Ecclesiæ, quod à
tam nefariis recedentes dogmatibus viciniora saluti sentire incipiant.

Testatur ipse Molina, quod " Philippus Melancthon securus primum Lutheri errorem
„ asseverarit, omnia opera nostra, sive sint indifferentia, ut comedere & bibere, sive
„ bona, ut vocatio ac conversio Pauli, sive mala, ut adulterium Davidis, esse opera
„ propria Dei, qui ea omnia non permissivè, sed potenter efficit in nobis, ita ut non mi-
„ nus proprium opus Dei sit proditio Judæ, quam vocatio Pauli. Postea verò turpitu-
„ dinem sui erroris erubescens intuensque innumera, quæ ex eo sequebantur, absurda,
„ atque Catholicorum tractatibus, potissimum Joannis Cochleari de libero arbitrio, con-
„ victus suum Lutherique rejecit errorem, affirmans libertatem arbitrii, Deumque non
„ esse causam peccati, sed potius ipsum liberum hominis arbitrium. „

Quod Philippo Melancthoni contigit respectu Lutheri in articulis jam relatis, contigit
Leydeckeri in aliis pluribus respectu Calvini, si Censuram Lovanienfem Calvino tam
diametraliter in pluribus oppositam tantopere commendârit. Exhorruit Calvini hæreses,
sprevit errores, risit deliria, quæ ex justificatione Lovanienfi produximus. Si ergo im-
merito invidia constaretur Cochleari, quod inspectis ejus libris Philippus Melancthon pri-
stinum

finem correxit errorem, possumus & uos iustissime indignari, si quis majoribus nostris putet insultandum, quia eos Leydeckerus aliàs Calvino affectus, maluerit in hac materia sequi quam Calvinum suum à Majoribus nostris totque aliis Catholicis (qui censuram eorum miris laudibus extulerunt) unâ voce sensuque damnatum.

Eo iustior nostra hæc erit querela, quo certius hodiè constat, Calvinistas plerosque alienissimos esse à plerisque Calvini sui dogmatibus, ac præcipuè in materia de prædestinatione ac reprobatione, in qua eos hodiè vel Thomistas vel Bellarminum sequi, testantur DD. Waleburgici. Exhorreat ergo ERASMUS PILIUS Bellarminum suum, si ex ratione suprà adducta censuram Majorum nostrorum velit Orthodoxis omnibus esse horribilem.

§. II.

*An censuram Lovanensem expugnet responsum datum Roma Deputatis
Facultatis Theologica Lovanensis ?*

Hic exultat, hic triumphat ERASMUS PILIUS Romanis munitus epistolis, quibus cerrior redditus est P. DE VOS, Lovanienſes-Deputatos, dum peterent ut liber continens Censuram Lovanensem subiret examen & approbationem S. Officii, responſum retuliſſe : IN SANCTO OFFICIO EXTARE DECRETVM contra editionem vel publicationem dicti libri.

Quam hoc ſit fabuloſum, & ab omni veritatis ſpecie alienum, patet ex acta facta ab Eximio D. VAN VIANEN coram Notario publico, quam hic infero.

„ Anno à nativitate Domini 1688. menſis Maii die 10. comparuit coram me Notario ac
„ teſtibus infra nominatis Ex. D. ac Mag. noſt. FRANCISCUS VAN VIANEN S. T. D.
„ ac Prof. Regius, qui dixit, exhibitum ſibi fuiſſe libellum quendam, cui titulus: GUMMARI
„ HUYGENS S. T. D. Lovanii dogma de libertate ſine gratia &c. Auctore ERASMO
„ PILIO, in quo dicitur inter alia pag. 75. Dum Lovanienſes Deputati peterent, ut liber
„ continens Censuram Lovanienſem ſubiret examen & approbationem S. Officii, reſponſum eos
„ retuliſſe : IN SANCTO OFFICIO EXTARE DECRETVM CONTRA EDITIONEM VEL
„ PVBLICATIONEM DICTI LIBRI: Declarat autem, proſitetur, ac ſuſtinet, hoc ſibi,
„ qui è Deputatis illis fuit, numquam ab ullo fuiſſe reſponſum, nec unquam intellexiſſe
„ quod reſponſum tale aut affine Collegarum ullus acceperit, paratus coram quocumque
„ legitimo Iudice hujus declarationis ſuæ fidem facere, omni meliori modo & formâ,
„ quam Iudex expedire cenſuerit. Actum Lovanii anno, menſe, & die quibus ſuprà,
„ præſentibus D. Martino Lemmens & D. Sebaſtiano de la Derrière S. T. Studioſis ut teſtibus
„ ſignatum erat: Franciſcus van Vianen. Infra habebatur: & me Notario, quod atteſtor,
„ Egidius Deniquè Notarius Publicus.

Nec quidem erat hæc Acta opus, ut hujus fabulæ falſitas maniſeſta pateſceret, quam luce meridiana clariùs rerum in hac Deputatione Geſtarum exordium, progreſſus & exitus demonſtrant. Harum brevem ac ſuccinctam accipe ſeriem:

Cum non ceſſarent Facultatis Theologicæ Lovanienſis æmuli quaquaverſum eam graviſſimè de hæreſi paradoxique accuſare dogmatibus, & Vaticana fulmina perpetuè comminari, cenſuit eadem Facultas ſupplicandum SS. D. N. Innocentio Papæ XI. ad Petri Cathedram, toto orbe acclamante, recenter eveccto, ut ſibi liceret quosdam Romani mittere Deputatos, qui doctrinam ſuam tantopere à multis exagitatam Sanctitati Sux exponerent, ejuſdemque judicium humillimè præſtolarentur.

Annuic SS. Dominus. Annuic & Rex Catholicus, cui ſimiliter fuerat ſupplicatum, ſitte-riſque ſuis commendatitiis dignatus eſt electos à Facultate Deputatos, nimirum Exim. DD. FRANCISCUM VAN VIANEN, CHRISTIANUM LUPUM, MARTINUM STEYART, qui anno 1677. die 27. Maii Romam advenerunt, pauciſque poſt

post diebus, porrectis suæ Sanctitati litteris suæ Majestatis, item Archiepiscopi Mechliniensis in cujus territorio est sita Academia Lovaniensis, ac denique ipsius Facultatis Theologicæ Lovaniensis, exposuerunt deputationis suæ causam, ac Facultatis ejusdem piissimam voluntatem. Accesserunt deinde commendatitiæ Illustrissimorum Brabantæ Ordinum litteræ.

Sub initium illis injunctum est, ut à materia morali ordirentur. Obsecuti sunt Deputati, exhibueruntque morales articulos, quos propugnabant (aliis tamen Theologis reluctantibus) cum illis, quos præ cæteris oppugnandos censebant. Deinde protulerunt Auctores articulorum, quos oppugnabant. Nec defuerunt articulorum à Lovaniensibus accusatorum vindices, qui non tantum Auctores, sed & plures conati sunt proferre rationes, quibus illorum censuram avertere satagebant, ut patet ex libro, cui titulus, *Specimen Moralis &c.*

Quibus non obstantibus, sexaginta quinque ex illis damnati sunt, & triginta tres parènt fortunam, ut fertur, subierunt licet Decreto non sint inserti.

Die 2. Martii 1679. Decreta fuit promulgatio constitutionis SS. Domini in materia morali, quæ incipit, *SS. Dominus.*

Die 8. ejusdem mensis constitutio affixa fuit locis solitis. Die 15. actæ sunt gratiæ pro Decreto in materia morali, in quo nullus Moralis Lovaniensis articulus (quantum exhibiti fuerint præcipui omnes, quos vel tunc vel etiamnum hodie æmuli nostri tantopere exagitant) minimam notam subiit.

Tum quoque eidem Sanctitati suæ expositum fuit, superesse difficultatem aliam, scilicet in materia de prædestinatione & gratia, supplicaruntque Deputati, ut examinaretur Censura Lovaniensis cum suâ justificatione, illique gemella Censura Duacensis, quibus veram ac genuinam scholæ suæ doctrinam à Majoribus acceptam contineri professi sunt ex unanimi Facultatis consensu super iis renovato anno 13. hujus sæculi die 30. mensis Julii, & alias sæpius.

Libellum supplicem, quo hæc petebant, inserui Theſ. hist. §. 1. quem propriis manibus porrexii SS. Domino Exim. D. S T E Y A E R T hujus hodiè Universitatis Rector Magnificus.

Paucis post diebus rerum hæcenus gestarum prosperum ordinem & exitum nuntiavit Exim. P. L U P U S Illustrissimo Domino Archi-præfidi, cui 25. Martii hæc Româ scripsit.

„ Nuperimè ad Sanctitatis suæ pedes provoluti sumus, ut, quamvis condignas gratias

„ agere non possemus, multò minus referre, ostenderemus nos habere quam maximas. „

„ Sua Sanctitas suam ad pacem & recti Decreti usum exhortationem exorsa dixit, sibi

„ visum non tantum expediens, sed & necessarium adversus noxias illas, quæ per Ec-

„ clesiam gliscunt opiniones, Decretum. „

„ Sed bono jure mirabitur J. V. G. cum aliis multis, quod nulla in Decreto fiat mentio

„ de propositionibus concernentibus materiam de gratia, cum tamen super iis acres sint

„ in Belgio dissensiones. „

„ At quam citò huc advenimus, nobis injunctum fuit, ut primò de moralibus agere-

„ mus. Et propterea demum, illis decisis, exhibuimus suæ Sanctitati Censuram antiquam

„ Facultatis nostræ & justificationem illius super dicta materia ab annis 90. conscriptas

„ unà cum ea, quæ tunc juncta & conformis fuit, Censura Facultatis Duacensis, & de-

„ claravimus Facultatem nostram Theologicam modernam isti doctrinæ inhærere, cum

„ omni tamen submissione, ut si quid illius *SANCTITATEM* suam offendar, corrigere

„ parati simus. Nunc suæ Sanctitatis judicium desuper præstolamur. Forsitan nihil decer-

„ nendo, decernet quod in ea, quamdiu Sedi Apostolica videbitur, tutò pergere pos-

„ simus sub moderatione, quam adjecit Sixtus V. ut neutra pars contententium alteri

ardua-

„ arduitate non expectamus, tamen ea (ut cum Majoribus nostris loquar) optatissima
 „ esset. Hæc sunt, quæ post promulgatum Sæc Sanctitatis Decretum hic acta sunt, quo-
 „ rum notitiam J. V. G. intimare officii mei esse duxi. „

Circa idem tempus, quo J. D. Archi-præsidi hæc nuntiabat Exim. P. LUPUS, scrip-
 serunt quoque Deputati ad Facultatem Sacram Litteras, de quibus ita habent acta Fa-
 cultatis Sacræ 17. Aprilis 1679.

„ Congregatio sub juramento ratione litterarum Romæ à Deputatis nostris, in quibus
 „ petebant submitti duo exemplaria Censuræ, & Justificationis Facultatis; item mitti
 „ declarationem, per quam tota Facultas declararet, quod libello isto, nempe Censura
 „ & Justificatione, representatam velit S. Sedi doctrinam suam de Auxiliis. Et resolutum,
 „ ut Facultas desuper iterum conveniret die 19. Interea possent Eximii Domini revidere
 „ doctrinam dicti libelli.

„ 19. Congregatio sub juramento ob eundem articulum de quo primo loco ad diem
 „ 17. & resolutum mittenda duo exemplaria Censuræ, prout petebantur. Item mitten-
 „ dam declarationem expetitam, quæ in Collegio Atrebatensi, omnibus præsentibus
 „ (excepto Exim. D. Laurent infirmo, cui deposit lecta, & ab eo probata) concepta,
 „ unanimiter approbata fuit, & est tenoris sequentis:

*NOTVM SIT OMNIBVS HAS VISVRIS, quod Facultas Theologica Lovaniensis, sub jura-
 mento 19. Aprilis anni 1679. in Collegio Atrebatensi legitimè congregata, post maturam delibera-
 tionem, de unanimi Magistrorum Regentium consensu, declaraverit & declaret, doctrinam Majo-
 rum suorum de predestinatione hominis lapsæ, & auxiliis ac gratia Christi in libello cui titulus:
 CENSURA FACVLTATIS S. THEOLOGICÆ LOVANIENSIS ET DVACENSIS, & aliter
 juncto, cui titulus: IUSTIFICATIO SEV DEFENSIO CENSURÆ FACVLTATIS S. THEO-
 LOGICÆ ACADEMIÆ LOVANIENSIS contentam, illam ipsam esse, quam tenuit & hæcenus
 tenet, quamque S. Sedi per Deputatos suos representatam desiderat.*

*Declarat insuper eadem Facultas, se præfatam doctrinam Apostolica Sedi, tamquam Ecclesia
 totius Magistra, prout par est, suisque Majores fecerunt, totâ devotione submittere, profiteri,
 quod quicquid desuper decernendum præscribendumque censuerit, ejus vocem, non secus atque à
 B. Petri Cathedra profectam obedienter reverenterque susceptura sit & observatura. In quorum
 fidem hoc præsentis instrumentum expediri, sigillo suo muniri, & Decani sui, ac etiam Bedelli
 manu subscribi curavit. Datum Lovanii die, mense, anno quibus suprâ.*

Est missa est prædicta declaratio Romam.

Jam tempus aderat, quo, quæ toties erant comminati, Vaticana fulmina præcipuè
 sollicitare debebant Facultatis Sacræ Æmuli. At fervor ille, quo coram imperita plebecula
 vagis clamoribus hæcenus Facultatem Lovaniensem impotentissimè accusarant, plurimum
 refrixerat, cum accusationum ejusmodi coram Christi Vicario reddenda erat ratio, stantibus
 ibidem Deputatis objectis sibi Collegisque suis calumnias diluere paratis.

Experti quoque jam erant toto biennio, quam irriti conatu vel unius Lovaniensis
 articuli censuram sollicitassent, sentiebantque suam apud pios omnes periclitari fidem idum
 spectaret orbis terrarum, coram Christi in terris Vicario (illo, inquam, iudice, quem
 Facultati Sacræ tam infestum horribilemque ubique prædicabant) nullâ censura illam
 inuri doctrinam, quam ubique tam inverecundè lacerarant.

Cum ergo nihil produceretur, quod Congregationis S. Officii judicium posset justè remo-
 rari, elapso penè trimestri ab oblatione ultimi libelli, de quo supra, intimatum est duobus
 Deputatis (jam enim tertium in Belgium evocârunt prægnantia negotia) intimatum est, in-
 quam, Exim. DD. Francisco van Vianen & Christiano Lupo: Doctrinam libelli esse ab omni nota
 liberam, posseque doceri sine offensa Sedis Apostolicæ. Moxque subjunxit Ex. P. LUPUS: Libellus
 noster dicere poterit: Igne me examinasti, & non est inventa in me iniquitas. Quod & Illust.
 D. Assessor probavit.

Nemo hic cavilleſſet verbis noſtris inſidians; nobiſque impoſuens; quod aliud Romæ dictum factumve fuiſſe hac in cauſa prætendamus, aut prætenderet unquam ullus vel Deputatorum, vel aliorum quorumcumque, qui Româ Lovanienſibus de hac re ſcripſerunt.

Neminem futurum arbitror tam iniquum, ut hanc rem iſdem planè verbis ab omnibus exprimi velit, ſi modò conſtet nihil eos quoad ſenſum diſcrepare. Et ne quidem Aſſeſſor iſdem verbis reſolutionem S. Congregationis ſemper expreſſit; neque enim ille tantum ſemel verba habuit cum Deputatis Lovanienſibus de favorabili iudicio ſuper Cenſuris & juſtificatione, ſed ſæpius, nimirum quotieſcumque dicti Deputati inſtabant (inſtiterunt autem ſæpius) ut declarationis ſibi datæ haberent teſtimonium ſcriptum.

Si alii dixerint ab omni nota liberam, alii inoffenſo pede poſſe decurri, alii nullam iniquitatem continere &c., rem eandem variis tantum vocabulis expreſſerunt.

At, inquitur ERASMI PRILLI ſocii, ſanam quoque eſſe libelli doctrinam nonnulli addiderunt.

Ita eſt, mirorque illos, qui hoc nobis opponunt, tam parum callere ſignificationem vocis, ſanæ doctrinæ, quam ſanè magis illis perſpectam eſſe deceret.

Tanto jam tempore jaçant, Leſſi Hanclicque aſſertiones 31. declaratas fuiſſe à Sixto V. ſanæ doctrinæ articulos. Teſtimium noſtrorum videbunt concordiam, ſi pauculas has voces nobis expoſuerint. Quæro itaque ab iis, quo ſenſu hæc illas voces acceperint? Ridebunt Ernditi omnes, ſi prætendant aliud, quam aſſertiones illas declaratas fuiſſe liberam ab omni nota, doceri poſſe ſine offenſa Sedis Apoſtolicæ, poſſe inoffenſo pede decurri. Ridiculi proinde ſunt, qui propter ejuſmodi voces tentarunt allegatos hac in cauſa teſtes inter ſe committere.

Declaramus proinde & aperte proſitemur (quibuſcumque ætatem verbis expreſſerint nonnulli reſolutionem Congregationis S. Officii ab ejuſdem Aſſeſſore Deputatis relata) nos nunce prætere de jam factum eſſe, quod in litteris ad Archi-præſidem augurabatur futurum P. M. LUPUS; nempe quod in doctrina Cenſura Lovanienſis, juſtificationis ejuſdem, & doctrinæ Cenſura Duacenſis, quamdiu Sedi Apoſtolicæ videbitur, tunc pergero poſſimus ſub moderatione, quam adjeçit Sixtus V. ut neutra pars contententium alteri cenſuram hæreſeos, aut aliam inerat.

Hæc Declaratio Congregationis S. Officii intimata eſt Deputatis noſtris die Sabbati poſt octavam Venerabilis Sacramenti, qui illo anno 1679. incidit in 10. Junii, & illo ipſo die Decano Facultatis ſacræ ſcripſerunt Deputati communem epistolam, quâ tam gratum pontifici ei ſignificarent.

Sed omne ſuperavit gaudium Sanctitatis ſux Breve 17. ejuſdem menſis (ſcilicet eſt ſeptem tantum diebus poſt abſolutum Cenſuræ examen) ſcriptum ad Facultatem Sacram, ex quo certius intelligimus SS. PP. benevolam in ſiliam ſuam affectionem, excuſſis jam omnibus articulis doctrinæ Lovanienſis tam moralis quam dogmaticæ. Eſtq; breve illud tenoris ſequentis.

INNOCENTIUS PP. XI.

DILECTI FILII SALVTEM ET APOSTOLICAM BENEDICTIONEM. Excepimus perlibenter devotas animi grati ſignificationes, et ea qua nuper ad ſanam doctrinam tuendam, & præ Eccleſiæ ſtabiliendam pro paſtorali noſtri officii debito decrevimus. Vehementer vos hortamur, ut in eundem ſcopum, ad quod ſponte veſtrâ paratos eſſe & datis ad nos litteris profeſſi fuiſſis, & nos nunquam dubitavimus, zelum ac ſtudia veſtra dirigere velitis; ſicuti veteri iſtius ingenui univerſitatis pietate inſtitutoque dignum eſt. Deputatis interim veſtris benevolam, ſicut huc uſque faciemus, aures animamque præſtabimus in omnibus, qua ad vos verumque veſtrarum rationes pertinere intellexerimus, vobiſque, dilecti filii, Apoſtolicam benedictionem poramenter imperimus. Datum Romæ apud S. Petrum ſub anulo piſcatoris die 17. Junii 1679. Pontificatus Noſtri anno tertio. Superſcriptio erat: Dilectis filiis Decano & Facultati Theologica Lovanienſi.

Cum eodem fere tempore reddita fuissent hoc Breve SS. Domini, & litteræ Deputatorum, quibus nuntiabatur responsum Congregationis S. Officii, censuit Facultas Sacra, utramque intimandum esse Illustrissimo D. Internuntio, quod & præstitit scriptis ad eum litteris die 14. Julii tenoris sequentis :

ILLUSTRISSIME DOMINE

Toti exultavimus hodi ad inexpectatum conspectum alterius Brevis Apostolici, quo Sanctissimus Dominus, verè amantissimus Pater, dignatus est Facultatem nostram. Officii nostri censuimus, ILLUSTRISSIMAM G. V. primum Sua Sanctitatis in Belgio Ministrum, nostraque Facultatis ac Deputatorum nostrorum fautorem & Patronum, quantocumque per transmissionem hujus exemplaris tanti gaudii nostri participem facere. Des Deus, ut istud supremi Pontificis iudicium dissipet tandem aut compescat multorum linguas malè nos incusantes. Speramus fere, ut talibus testimoniis sensim pudeant & obtusescant. Maxime cum etiam liber Majorum nostrorum in materia de gratia & prædestinatione, cui similis : CENSURÆ FACULTATVM S. THEOLOGIÆ LOVANIENSIS & DV. CENSIS ad preces Deputatorum nostrorum auctoritate Sua Sanctitatis jam sit examinatus, nec inventa in eo iniquitas, atque hoc ipsum registratum sit in actis S. Congregationis. Perge, ILLUSTRISSIME DOMINE, nos intueri, ut aliquando liberi ab importunis calumniis fructuosius laboremus in Ecclesia Dei juxta sanctam intencionem SS. DOMINI, & vestram, cuius sumus &c.

Die 20. Julii scriptæ sunt à sacra Facultate litteræ causam eandem concernentes Eminentiſſimo Cardinali Cibo, quarum tenor est hic :

EMINENTISSIME AC REVERENDISSIME DOMINE.

Sanctissimi Patris oraculum adversus 65. Propositiones Ecclesiam nostram Belgicam, imò totam mîrè instruxit, quæ hoc ipsum nobiscum, post primam sedem, charitati vestræ & vigilantissimo zelo acceptum refert, totidem titulis obstrictissima. Scit enim (& nos speciatim, referente uno Deputatorum nostrorum jam reduce, latius didicimus) quidquid Sacra Congregatio strenuè & generosè perficit, hoc aurigante sapientissima industria vestra esse directum, quidquid sua Sanctitas examinandum curavit, examinatumque decrevit, hoc collaborante zelo vestro inchoatum, promotum, completum. Suscepimus SS. Decretum magna animi exultatione, sed tamen modestâ, ne cui videremur insultare. Mutantur nunc in melius multorum judicia & praxes, mutatur Ecclesiæ Belgicæ facies, fructumque accipit uberrimum : pro quo rependat Deus Eminentie vestræ mercedem eminentissimam. Gratiarum actiones hoc voto potiores non habemus, nec requirit Eminentia vestra, quanquam nec dubitemus insuper adscribere vigilantissimæ curæ vestræ factum feliciter examen libri continentiſſi Majorum nostrorum doctrinam de gratia, cui hæcenus infisimus. Hæc est via pacis, ut tandem evanescent quorundam obreptiones, quæ nunc ab ipsa Sancta Sede deprehenduntur non fundatæ. Eminentiſſime Domine, suscipe qualescumque gratiarum actiones, sed verè ex intimis animi medullis effusas cum Sacræ Purpuræ submississima veneratione : & si quid deinceps querelarum adversum nos ad aures suæ Sanctitatis vel Eminentiſſimæ gratiæ vestræ perveniat, oramus dignetur nos verbulo, & speramus, nos ita exhibere, ut certo constet, quod verissimè sumus SS. Patris D. N. Filii obediuntissimi, &

Eminentissimæ Domini

Eminentie vestræ

Humillimi & observantissimi Clientes & famuli

Decani & Facultas Theologica Lovanienſis

scripta insuper sunt alia littera ad Eminentissimos Cardinales, qui præsuerant examini ejusmodi libri in hunc modum.

EMINENTISSIMI AC REVERENDISSIMI DOMINI

Opportunissimum illud suæ Sanctitatis atque optatissimum decretum, quo 65. Propositiones proscriptæ sunt, latere non sinit egregiam vestram operam atque in iis dijudicandis labores indefessos. Vider nobiscum orbis Christianus vestrum pro sana doctrina zelum & constantiam; quæ quantum emineant in Eminentis vestris specialius adhuc didicimus ex uno Deputatorum nostrorum jam reduce. Fructus aberes jam nunc sentit Ecclesia, speque alacri præsentit longe aberiores. Habetis eam meritò vobis obstrictam habebitisque, sed præsertim in illa Facultate nostram. Quas rependamus, pares gratias non invenimus: verum, quod Eminentis vestris maxime cordi est, conabimur provirili tam sanctæ intentioni vestræ respondere. Oraculum illud tanquam cœlo missum cum veneratione & modestia suscepimus, aliiisque ancores sumus indies, ut eadem animi demissione susceptum constante obedientia teneant. Accessit cumulo beneficiorum, quod Eminentie vestræ non detrectarint accurato examini discutere librum illum in quo *Majores nostri superiori sæculo cum Duacena Facultate Theologica uniservimenter suam de gratia doctrinam clarè expresserunt, qua etiamnum nostra est*: nihil enim nos novi procudere publicè profiteamur. Verendum quidem ne forte sint, qui diversa nobis assignendo, fictaque speciosè deferendo, pacem, quam speramus, perturbare machinentur, sed bene confidere jubet summa illa prudentia Eminentiarum vestrarum nobis compertissima; quæ magis audiet publicas nostras declarationes, quam clancularias istas delationes. Quales si quando in Urbem adveniant, obnixissime rogamus moneri, promittentes ingenue exponere quod res est; & si (quod absit) minus rectum quid deprehendatur, mutare animus est illorum, qui post sacrarum purpurarum vestrarum eam omni submissione venerationem, & humillimas iteratarum gratiarum actiones, precamur omnipotentem ut Eminentias vestras Ecclesiæ suæ bono diu conservet sospitetque.

Circà hoc idem tempus, accepto ad priores suas Illustrissimi Domini Archi-præsidis responso, perrexit P. M. LANUS, scriptis idibus Julii litteris rerum Romæ interea gestarum seriem eidem enarrare his verbis: "Sanctissimus Dominus Theologicam Facultatem non ita pridem honoravit novo Apostolico Brevi; confido ipsum innotuisse. Præcipua contra Facultatem accusatio erat circà materiam de divinæ gratiæ Decretis atque auxiliis. Doctrinam nostram adversarii ubique declamabant fatere ex Michaële Baio, & Cornelio Jansenio. Porro avitam Facultatis de his doctrinam continet libellus alio sæculo editus, cui titulus: *CENSURA LOVANIENSIS* & *JUSQUE JUSTIFICATIO* &c. Hunc Libellum dedimus suæ Sanctitati in proprias manus, supplicantes examinari & judicari, ac spondentes promptissime obedire Apostolico judicio. Et sua Sanctitas transmisit examinandum Congregationi S. Officii, mandans postmodum sibi accurate referri omnia. Et post mactatum examen *Sacra Congregatio censuit, & sua Sanctitati remisit, ac suis Regibus inscripsit, Libelli dogmata esse sana & recta, idcirco à nobis posse teneri & tradi.* Quod iterum judicavi iurandum Illustrissimæ Dominationi vestræ."

Demum die 29. Ang. discesserunt Româ Deputati Belgium repetentes, impetratis ipsâ die D. Laurentio Sacrà, à sua Sanctitate Facultate discedendi, benedictione Apostolicâ, aliisque donis Pontificia liberalitate dignis in signum benevolentiæ. Si declaratio Illustrissimi D. Assessoris, per urbem & orbem à Deputatis promulgata de judicio lato super Censuris & justificatione, fabula fuisset, quâ fronte suæ Sanctitati se sistere non erubuisse Notorii impostores tanti jam propalati criminis rei? Sed & alia suprâ relatabat

juyat

juvat paululum expendere, ut appareat quam speciosè compositum foret mendacium quod Deputatis nostris adscribere nititur ERASMUS PILIUS. Scribit Ex. P. M. Lupo Illustrissimo Archi-præsidi, ac proinde per Belgium innotescit pluribus Censuram Lovaniensium Romæ examinari à Congregatione S. Officii.

Elapso trimestri nuntiatur Facultati Sacræ successus examinis. Facultas nuntiat Illustrissimo Domino Inernuntio. Moxque id ipsum palam toto Belgio proclamatur. Aguntur gratiæ iis, quorum præcipuè operâ felicem causâ illa fuerat fortita exitum. Et hæc quidem omnia Romæ sciuntur & leguntur, Deputatis Româ nondum egressis, sed paratis ibidem objecta sibi omnia refellere.

Quæ foret illa Deputatorum Romæ adhuc hærentium imprudentia, ne dicam, impudentia, ut per Almam Urbem, per totum Belgium, ac illis præcipuè hæc nuntiari vellent (ut nuntiandum certissimè sciebant) qui indubiè rei gestæ ordinem subtilissimè indagaturi erant? Factos fuisse eos oportuit, si non ignorantes quam inverecundè Censura illa accusaretur à multis eam cane pejus & angue execrantibus, futurum sperârunt, segnes adeo futuros omnes, ut nemo tam impudens mendacium in causâ tanti momenti (quam everti potentissimorum multorum intererat) propalare satageret.

Et quanquam sic dormitassent æmuli nostri, Deputatis Romæ hærentibus, excitandi erant Deputatis ab urbe reversis; si enim propter eorum litteras vehemens jam fama quaquaversum percubuerat, aucta est tamen cum ipsi Deputati præcipuis quibusque Aulae ministris Deputationis suæ exitum exponentes hæc ipsa ore proprio declarârunt, scriptoque expresserunt, quod ante ipsorum adventum litteræ ultimæ à P. Magist. Lupo Româ scriptæ J. D. Archi-præsidi nuntiârunt.

Opportunius nunquam potuerunt Facultatis Lovaniensium æmuli eam coram toto terrarum orbe confundere, omniumque bonorum, ac præcipuè Sedis Apostolicæ odium in eam convertere omnique ejusdem protectione orbare, quam probando talem impudentiam Deputatorum ejus, quibus Censuræ examen postulantibus, cum nihil aliud fuisset responsum, quàm in sancto officio EXTARE DECRETUM CONTRA EDITIONEM VEL PUBLICATIONEM DICTI LIBRI, non exhorruerant responsum planè dispar S. Congregationi audacter asserere.

At tantum abest, ut actionem hanc coram Apostolica Sede intentare conati sint contra Facultatem Theologicam Lovaniensem, ut è contrario sentientes Facultatem Sacram Sedis Apostolicæ satisfecisse, imo se incidisse in foveam quam fecerant, vela verterint, Hispaniam petierint, ut quos non potuerant, gladio spiritali, ferirent gladio temporali. Illic itaque gravissimè Facultatem, ut ante Romæ fecerant, accusare perrexerunt, & præcipuè quidem in materia de gratia.

Si Facultati Lovaniensium nullas hic suppetias tulit Sanctitas sua, si nequidem Facultas opem ejus implorârît, signum est, Lovaniensium scholæ dogmata parum admodum Romæ placuisse, at verò si Lovaniensium causam aperto Marte vindicandam suscepit Sedes Apostolica, tam impudentem fore neminem puto, qui vel huic deputationi aliquid detrachere, aut ea, quæ circa Censuram gesta esse diximus, in dubium revocare audeat. Atqui Facultas Sacra nullius fraudis sibi conscia Sanctitatis suæ opem & humillimè imploravit, & copiosè obtinuit, ut constât ex pluribus litteris, quas hic non proferremus (scimus enim non posse quascumque amicorum litteras propalari) nisi illo fine conscriptas esse sciremus, ut perpetuum essent omnibus innocentiae nostræ monumentum.

Die 6. Aprilis 1680. scribit Illustr. Dom. Augustinus Favoritus Sanctitatis suæ Secretarius.

" Pridem in Hispaniam scripsimus, quâ Deputatos Lovanienses Sanctitas sua benignitate primum exceperit, & quo ad extremum honore sit prosecuta, & quam magnum sui desiderium, & quam egregiam de sua doctrina & in Apostolicam Sedem obser-

„vantis opinionem huic Aulæ reliquerint. Iussus propterea fuit Nuntius Apostolicus, si
 „quid Mactiti adversus vos moveretur, rem sicuti est Regi ejusque Ministris exponere,
 „& malevolorum calumniis, si quæ suborirentur, obviam ire. Infra habebatur. Romæ
 „die 6. Aprilis 1680. superscriptio erat Viro Clarissimo *Francisco van Vianen* Theologo
 „Lovaniensi. Lovanium.

Ejusdem sunt argumenti ad Facultatem Sacram ab Eminentissimo Cardinale Cibo literæ eodem anno scriptæ tenoris sequentis:

ILLUSTRES ET ADM. RR. DD.

„Significationibus, quas Sanctitas Sua Collegis ac Deputatis vestris, dum Romæ
 „commorarentur, exhibuit paternæ suæ erga vos, & clarissimam Universitatem vestram
 „voluntatis, novæ semper accedent, quilibet oblata occasione rebus ac studiis
 „vestris suffragandi. Quam quidem animi propensionem Sanctitas Sua nonper quoque
 „ostendit, cum ipsi litteras vestras filialis obsequii, & grati animi plenas legerem. Quod
 „enim pertinet ad rumores, quos adversus vos à malevolis spargi scribitis, eam de prudentia
 „ac pietate vestra opinionem gerit Sanctitas Sua, ut facili sibi persuadeat, Vos
 „Majorum vestrorum exemplo constantes fore in sana & Catholica doctrina tuenda illustrandaque,
 „unde obloquentium ora tandem aliquando obstruantur, quorum præterea maledictis,
 „si Christianam benevolentiam rependeritis, divinâ adjutrice gratiâ fiet, ut dissidentes à
 „vobis eorum animos ad fraternæ charitatis compaginem revocetis, & Belgicæ Ecclesiæ
 „pax, cujus causa laborare vos profitemini, restituitur & planè consolidetur. Id Pontificiæ
 „solicitudini propositum inprimis est, à qua propterea omnem in idipsum opem
 „& favorem polliceri vobis debetis, sicuti conjicere potuistis ex officiis, quæ pro vobis
 „ab injuria tuendis interponere apud Matritensem Aulam non distulit. Interim & læta
 „vobis precatur omnia, & me interprete, amanter benedicit, quibus opera atque
 „officia mea ex animo offero. Romæ die 1. Junii 1680. infra habebatur DD. VV. ad
 „officia. A Card. Cibo. Superscriptio erat: Illustribus ac RR. admodum DD. Decano &
 „Facultati Theologicæ Lovaniensi. Lovanium.

Ex his constat, nullum hæcenus apparere vestigium conscripti tam impudenter mendacii, neque illud tantis beneficiis, sed condignis poenis cumulandum fuisset.

Quod anno 1680. non apparuit, latere petgit anno 1681. 14. Junii, quâ supra laudatus Sanctitatis suæ Secretarius Lovanium inter alia scribit: *Scripti quam diligentissimè ad Nuntium Madritensem, & quidem pluries Sanctitatis Sua jussu, ut Aulam illam abducat ab errore, in quem ab æmulo Academia Lovaniensis pertrahita est, edoceri à vobis Propositiones scandalosæ, & non minus politico statui, quam Catholica Religioni perniciosæ. Tum recensitis iis, qui præcipuè in invidiam vocabantur, addit. Scripti luculenter, detexi malevolorum machinationes, & quam cumulatè vos omnes Sanctitati & Aula Romana satisfeceritis non sine gravi Accusatorum dolore ac dedecore.*

Judicet a quos Lector, quinam hæcenus Romæ sint magis de mendaciis iniquisque machinationibus suspecti, an Lovanienses, an Lovaniensium Æmuli. Ut verò amplius appareat, magisne debeat deinceps Lovaniensium fides esse suspecta, tantum notandum est, quomodo sese Lovanienses gesserint, dum Æmuli negarant ac pernegarant omnia, quæ Romæ in causâ Censuræ gesta esse retulerant Deputati. Cœperunt itaque instare Æmuli ne responsi ab Assessore S. Officii Deputatis dati proferretur scriptum instrumentum, scientes post iteratam postulationem id ipsam obtineri non potuisse. Hinc contra Deputatos, tamquam fallaces ac impostores palam declamatum est in libris, Thesisibus, dissertationibus, ut sic omnis illis fides abrogaretur. Quid hic facerent Deputati, si mendacii tam infamis ac pudendi sibi conscii erant? Declinanda erat

Romæ

Roma, ne fraus innotesceret. At tantum abest, ut Romam declinarent, ut è contra citissime ceperint Romæ per varias epistolas exponere, quàm hic iniquè tractarentur, quomodo fidei suæ hic insultaretur, & velut impostores notarentur, supplicantes, ne tot labores tam sincera intentione exantlati fructu sperato frustrarentur, ut frustrandi timebantur, nisi Congregatio Sacra pio tot laborum intricu negatum hæcenus testimonium concederet. Judices ERASMUS PILIUS hæcine sint symbola hominum fallere vel imponere volentium, aut si fallere voluissent, an hoc responso unum è Deputatis dignatus fuisset Sanctitatis suæ Secretarius 18. Aprilis 1682.

Quantum in me erit, adnitur, ut authentico aliquo documento confirmetur, quod à Congregatione S. Officii decretum fuit; videlicet CENSURAM LOVANIENSEM INOFFENSO PEDÈ PERCVRRÌ POSSE. CVM NIHIL IN EA INVENTVM SIT CENSURA VEL ANIMADVERSIONE DIGNVM. Infra habebatur. Romæ die 18. Aprilis 1682. Supercriptio erat talis: Viro Clarissimo Francisco van Vianen Theologo Lovaniensi Lovanium. Et iterum idem ejusdem anni & mensis 24.

Æquissimum videtur mihi, videtur & multis magna dignitatis, virtutis, & prudentia viris postulatum ut aliquo S. Sedis testimonio vindicaretur innocentia doctrina Lovaniensis, qua in censura continetur, ad obstruendum ot loquentium iniqua. Non omisi id insinuarè & urgere, quo tam justo desiderio ad necessariam defensionem satisfaceres.

Die 16. Septembris scripsit D. Schellstrate Canonicus & Cantor Cathedralis Antverpiensis ad D. Hoëfflach ejusdem Ecclesiæ Canonicum:

“ Quoad librum, in quo Censura Facultatis Theologicæ Lovaniensis & Justificatio ejusdem, item Censura Facultatis Theologicæ Duacensæ in materia de gratia Dei & prædestinatione anno 1588. respectivè conscriptæ continentur, responsum accepi ab aliquo istius rei non ignaro, quod nihil hac in re definitum sit, neque à Summo Pontifice determinatum; quod tamen ante discessum Doctorum Lovaniensium hic liber oblatum fuerit S. Officio examinandus, & post examen à Deputatis desuper factum, permixtum fuerit, quod in illo continetur, liberè doceri, cumque à Doctoribus Lovaniensibus peteretur hæc licentia & permixtio in scriptis, id ipsum negatum fuerit. Hæc sunt, quæ hac de re intellexi. Et si in aliis opera mea vobis utilis videatur, ut de illâ disponere digneris, etiam atque etiam rogo manusursum interim Eruditissimæ D. V. obsequiosissimus famulus. Et erat signatum E. A. Schellstrate. Suprà habebatur Romæ 16. Septembris 1682.

Die 21. Novembris scripsit Exim. D. Francisco van Vianen P. Josephus Sabatini Bibliothecæ Anglicæ Præfectus, Ordinis S. Augustini: “ Illud pro certo affirmare possum, me quoque audiuisse, non solum ab Illust. D. Assessore S. Officii, sed etiam ab Eminentiſſimis Riccio, Casanate, ac de Laetæa, tam Censuram quam articulos vestræ doctrinæ Congregationi S. Officii oblatos fuisse, nec non à Theologis pro tali negotio Deputatis ab omni censura immunes esse judicatos, quamvis Sacra Congregatio justissimis de causis illos positivo Decreto firmare noluisse.

Facultas sacra, quæ de suorum Deputatorum fide numquam dubitât, sprevit æmulum omnium dicteria, maxime cum Deputatorum suorum relationem videret tantorum virorum litteris confirmari. Ex quo factum est, ut, cum P. Patrius Duffy pluribus illius Facultatis Theologis varios objecisset articulos pertinentes ad materiam de gratia & libertate, responderit Sacra Facultas 4. Maii 1683. istam difficultatem pertinere ad Sacram Congregationem de Auxiliis, declarâritque optare ab illa discere, quid in hac materia tenendum sit, promittens numquam ab ejus Decretis recedere; & addens in responso, quod ipsi Pontifici (à quo articulos Patrius Duffy acceperat) Romam transmissum est:

" Si Theologicæ Facultatis major super his expressio desideretur, illa refert se ad Censuram Lovaniensem ejusque Justificationem, & ad Censuram Duacensem, quæ est conformis, utpote continentes Majorum suorum doctrinam, quam & hodie tradere solet. Cum autem dicta Censura fuerit nuper ab Apostolicis Deputatis Ecclesiæ Cardinalibus Capizuccho, Lauræa, & aliis Romæ examinata, judicata posse teneri ac doceri, eadem Facultas confidit, suam doctrinam sanam & irreprehensibilem esse, & ut talem liberè tradi posse, donec per Apostolicam Sedem aliter statuatur. "

Hæc sunt è multis paucis, quibus ab æmulatorum cavillis Censurarum Lovaniensis & Duacensis vindicatur auctoritas. Si mendacium est, Censuram Lovaniensem, instantibus ejusdem Facultatis Deputatis, declaratam fuisse immunem ab omni nota, dico liberè non credere me, quod ab orbe condito mendacium ullum tam malè phaleratum tanto tempore steterit inconcussum.

Causa agitur integræ Facultatis tot undique tempestatibus jactatæ, tot calumniis impetitæ, cui nonnisi fulminia & tonitrua augurabantur potentissimi ejus æmuli. Fertur sententia. Præcipui sententiæ latæ Auctores testesque adhuc superstites multi notantur. Liberum est Adversariis omnibus, quorum multi Romæ sunt præpotentes, sedulò investigare quid regestis Sacræ Congregationis sit insertum. Liberum est monere eos, qui adhuc hodiè superstites habuerunt in examine illius libri præcipuas partes. Et erit, qui crederet, passuros eos tale sibi adscribi judicium, si Calviniana in illo dogmata contineantur? Plura hic frustra exaggerarem, quæ luculentè admodum exposuit Magnificus Dominus STUART in Assertionis suæ Censura Lovaniensis & Duacensis, quam tamquam verissimam, ac inconcussam nos quoque hic habemus pro inserta, parati illam tamquam nostram defendere, illique per omnia subscribere.

§. 12.

Quid censendum de epistola Apologetica, quæ nuperrimè sub nomine Pauli Maffi ad ERASMUM PILIUM scripta est?

C Enferi nil justè potest, nisi propius expenso epistolæ illius Apologeticæ mysterio, quod ferè totum versatur in excutiendis variantibus compendii editionibus. Editio prima anno 1679. ita habet: *In ipso amore beatifico major est à necessitate libertas, quam in ullo amore viatoris.* Editiones verò 1684. & 1687. addunt vocem modo, sicque expriment hunc articulum: *In ipso amore beatifico major est à necessitate libertas, quam modo est in ullo amore viatoris.* Ne ipse quidem compendii auctor satis meminit, cur anno 1684. addita fuerit illa vocula, nisi forte cavere voluerit, ne rationalis creaturæ cujuslibet amor beatificus crederetur magis à necessitate (coactionis & merè naturali suprà explicato) liber, quàm amor Christi Viatoris.

At longè alius hæc epistolâ producitur Collegæ nostri Apologus, qui nempe ERASMO PILIO candidè largitur pag. 9. *Solide enim ac clarissimè demonstrasse (ut saltem videtur quibusdam, inter quos est ipse Apologus, ut patet ex sequentibus) dogma iis verbis expressum quibus exprimitur in compendio illo anno (1679.) impresso nec non in dictatis publicis eo tendere, ut negetur omnis libertas à necessitate cuilibet actioni, non tantum in statu naturæ lapsæ, sed etiam in statu innocentia.*

Tum prolatis nefariis consecrariis, quæ ex hoc antecedente elicit P I L I U S, ita concludit Apologus pag. 12. " Inde tandem tua Eruditio convicit, Eximium nostrum Gummum protrudendo ejusmodi dogma, ex quo ea fluunt consecraria, quæ totum Christianismum funditus evertunt, plus effecisse solum, quàm omnes simul Vergerianæ factionis ministros, ad evertendum Christianismum, prout sancitum fuit à Patribus conscriptis Conciliabuli Burgifontani anno 1621., "

Egregium

Egregium enimverò Apologum, qui ERASMO PILIO nihil debet, sive petulantiam, sive impudentiam spectes. Fallor si ERASMI PILII hic seipsum non superat, qui primò sub nomine ERASMI PILII aperto Marte Collegam nostrum subfannavit, postea verò, ut tantò perniciosior esset hostis, quo occultior, Apologum ejus mentiri voluit, ut propinata tam impudenter facilius imperiti omnes haurirent mendacia, quæ ne ipsi quidem Apologo Collegæ nostri displicere sentirent.

Ecquid & illud est, quod de Conciliabuli Burgisfontani anni 1621. Patribus conscriptis iterum reficitur? Sciat velim tam evidenter jam confutatam convulsamque hanc esse fabellam, ut non tantum Lovanii quidam, sed quorquor sunt in orbe terrarum, quibus est in capite cerebrum, visis scriptis ad eam pertinentibus, mirentur à Christianis, & quidem Religiosis Sacerdotibus tam aperta mendacia tam insolenter quaquaversum promulgari posse.

Omne tandem virus suum expnit putidus hic Apologus pag. 13. " Fateor, *inquit*, nec quisquam ausit negare, omnia isthæc consecraria utcumque consequi ex dogmate Eximii nostri, prout illud expressum est in ipsius Theologiæ compendio editionis primæ, & in dictatis ejus publicis: minimè tamen licet suspicari, virum tam eximium voluisse suo dogmate viam aperire eversioni totius Christianismi. Incredibile est ipsum primà fronte vidisse tam horrenda ex suo dogmate fluere consecraria, aliàs numquam illud protrussisset in lucem: unde quàmprimum ex libello Eruditissimi Viri *Gerardi van Vianen* didicit peregrina quædam ex suo dogmate consequi, statim illud attentius consideravit, vidensque illud eò spectare, ut omni actioni non tantum in statu naturæ lapsæ, sed etiam in statu innocentie abjudicaretur omnis libertas à necessitate, simulque observans Jansenium post Calvinum libertatem à necessitate tantum negasse actionibus hominum in statu naturæ lapsæ, non verò in statu etiam innocentie, noluit sapere supra Illustrissimum Eximiumque Jansenium: quare statuit suum dogma emendare, in quantum ultra Jansenii placita extendebatur. Curavit igitur anno 1684. suum Theologiæ Compendium recendi variis typis, in quo suum dogma, quod extendebatur ad statum innocentie, restrinxit ad statum præsentem naturæ lapsæ."

En Apologum, qui hæreses horrendas clienti suo infideliter ascribit, imò & evertendi Christianismi facit Auctorem. Quid non licebit in tenebris, si hæc fiant super tecta? Quid non licebit Romæ & in Hispania, si hæc in ipso Belgio, in ipsa urbe Lovaniensi liceant?

Cum non ita pridem Collegæ nostri Methodo opponeretur Decretum Inquisitionis Toletanæ, quo prohibetur tamquam Jansenianos continens articulos, responsum est, tam certum esse Methodi Auctori nullum in ea Jansenianum contineri articulum, ut liberrimè postulari, libellum suum committi examini Adversarii, qui præ cæteris omnibus in septemdecim Provinciis doctrinæ ejus repugnare crederetur, paratum se exhibens non tantum exanctationem, sed & subire Censuras omnes, quibus sunt obnoxii hæreticorum dogmatum vindices. Hæserunt ad hæc viri æquitatis amantes, vix capientes quid iudicium tam præceps ab Inquisitione tam celebri prodiiisset ut in methodo reperiret nemo, quod in illa damnaverat Inquisitio. Respondimus hætere & nos, sæpiusque in Hispaniis instituisse, ut sacra Inquisitio designare dignaretur loca, quibus Janseniani illi continerentur articuli, sed hæcenus responsi nihil accepisse. Cæterum aliud nihil suspicari nos posse, quam Jansenianos articulos fortè fuisse insertos alicui libello, cujus titulum quidam mentiti sint, præfigentes nempe eundem, quem suæ Methodo Auctor præfixit.

Ad hæc illi exhorruerunt, tam impium ac penè incredibile crimen mirantes & detestantes. Nunc verò si non detestari, saltem mirari desinent, ementitos titulos libris quibusdam

buisdam posse præfigi ab iis, qui ipsi librorum auctoribus eminentes Apologos nõrunt quærere, & Censores invenire, qui specie justitiæ tam impias fraudes & technas foveant in ipsa urbe Lovaniensi, ne quid ad phalerati mendacii speciosum ornamentum desit. Cum verò, ERASMUS PILIUS tam inauditis stratagematibus debellare eos studeat, (quanquam satis hæcenus infelicitè) qui totius Christianismi eversioni viam aperiunt, purgato jam utcumque Collega nostro, novam illi præbere anhelò materiam, quã zelum tam ardentem felicius exerceat.

Thesim his iterum inferam integram neque Typothetæ labori, neque discipulorum sumptibus parcens; parumque vereor scommata illius, qui me ejusmodi Thesibus dixit meas farcire, ut molem illis accersam. Imo fortè dictata ipsa, quibus Thesis illius conclusiones clarius exponuntur, typis committam, si ERASMI PILII zelus expetere ille videatur. Fallor si non erit copiosior hic materia excurrendi in consectaria, quæ cum satis infelicitè ex dogmate Collegæ nostri elicerit, ex nova hac Thesi consectariis felicius elicitis, languentem forte zelum, estimationemque suam vacillantem sustinebit ac reparabit.

§. 13.

THESES THEOLOGICÆ DE PECCATIS.

I. Peccatum Philosophicum seu morale est actus humanus disconveniens naturæ rationali & rectæ rationi. Theologicum verò & morale est transgressio libera divinæ legis. Philosophicum, quantumvis grave, in illo qui Deum vel ignorat, vel de Deo actu non cogitat est grave peccatum, sed non est offensæ Dei, neque peccatum mortale dissolvens amicitiam Dei, neque æternâ penâ dignum.

II. Distinctio specifica Metaphysica peccatorum petitur ex diversa ratione turpitudinis moralis, seu disconvenientiæ cum objecto, fine, & circumstantiis in ordine ad naturam rationalem spectatis; moralis verò ex oppositione eum eadem vel diversa virtute. Peccata omnia non sunt inter se connexa, nec æqualia; sed aliqua sunt aliis tum specie tum numero graviora.

III. Malitia peccati commissionis non consistit formaliter in privatione rectitudinis debitæ actui tantum, nec in privatione rectitudinis debitæ potentie tantum, nec in privatione rectitudinis debitæ aliquando potentie, aliquando actui, nec in privatione rectitudinis debitæ ipsi operanti, nec in privatione perfectionis congruæ, aut Dei ut finis ultimi gratiæ aut gloriæ aut habitum supernaturalium.

IV. Malitia peccati commissionis consistit formaliter in positivo seu in positiva disconvenientia cum natura rationali & recta ratione, vel lege divina, non verò partim in positivo, partim in privativo. Peccatum omissionis non potest dari sine aliquo positivo, qui sit causa vel occasio, non solum moraliter, sed etiam physice & metaphysicè.

V. Dantur peccata mortalia & venialia, quæ non solum ex conditione personæ peccantis, vel solâ Dei voluntate, ut volunt Calvinus & Lutherus, sed etiam ex natura rei differunt. Mortale autem in hoc distinguitur præcipuè à veniali, quod mortale ex natura sua est notabilis recessus à ratione & lege Dei, gravis Dei offensæ dissolvens amicitiam divinam, non verò veniale.

VI. Deformitas peccati mortalis consistit in eo, quod per ipsum Deus graviter offenditur, & virtualiter quodammodo, aut formaliter contemnitur. Ad peccatum mortale requi-

requiriter materia gravis, quantitas notabilis, plena intellectus advertentia, & plena voluntatis consensus. Malitia peccati mortalis non est infinita moraliter intrinsecè simpliciter, sed extrinsecè tantum, & objectivè & secundum quid.

VII. Peccatum veniale est peccatum, quod leviter tantum Deum offendit, nec mortem spiritualement affert animæ, nec æternâ pœnâ per se punitur, sed privat hominem gratia efficaci & congrua, fervore charitatis, Dei timore, & inclinatione ad sequendam rationem & legem. Semper est dispositio ad peccatum mortale. Ex multis venialibus non potest fieri unum mortale formaliter, vel æquivalenter, nisi illorum materiæ vel effectus moraliter continentur, & in unum coalescant.

VIII. Peccatum habituale non est habitus vitiosus relictus ex peccato ætuali, neque ordinatio tantum ad pœnam, neque complacentia habitualis in peccato præterito, aut propensio habitualis ad peccatum, neque privatio gratiæ, sed est peccatum actuale physice præteritum, moraliter perseverans in ordine ad reddendum hominem rationabiliter Deo exofum, donec condonetur, aut condigna ejus satisfactio exhibeatur & acceptetur.

Hæc Theses, Deo duce, & auspice Deiparâ propugnabit Stephanus Bongot. In Aula majore Collegii Divio-Grodranii Societatis Iesu die Junii 1686. matutinis ac serotinis Schola horis.

DIVIONE E, Apud Ioannem Ressayre Typographum & Bibliopolam.

Nolim ERASMI PILII zelum circa singulas hujus Thesi partes operosius fatigari; copiosissimam enim materiam viro formandis confectariis nato sola prima præbebit conclusio. Et ne ipsa confectariorum copia virum sagacissimum obruat, rudiora quædam ego pro tenuitate mea eliciam, cætera subtili ERASMI PILII genio libenticissimè permittens. Horreo, dum in hac Thesi lego peccatum Philosophicum definiri actum humanum disconvenientem naturæ rationali & rectæ rationi, moxque addi, Philosophicum, quantumvis grave, in illo qui Deum vel ignorat vel de Deo actu non cogitat, esse grave peccatum, sed non esse offensam Dei, neque peccatum mortale dissolvens amicitiam Dei, neque æternâ pœnâ dignum.

Ne ipsum quidem ERASMUM PILIUM arbitror negaturum, eos præcipue omnem funditus evertere Christianismum, qui Dei ignorantiam prædicant hominibus esse expectandam, actualemque Dei memoriam ab hominum cordibus abolere nituntur. Hoc illi prædicant, qui supra relatam doctrinam tradunt.

Credidimus hæcenus adversus peccata potenter illum fuisse præmunitum, qui dicebat: *providendam Dominum in conspectu meo semper, quoniam à dextris est mihi ne commovear.* At juxta hanc Divionensem magis quam Divam Theologiam deploranda est fortuna hominum ejusmodi, qui perpetuis sunt obnoxii periculis peccatorum, quæ illis timenda non sunt, qui vel Deum ignorant, vel actu de Deo non cogitant.

Finge parvulum à parentibus baptizatum, à Barbaris ante rationis usum olim infelicitè abreptum in Atheismo educari, annis pluribus Deum non cognoscere, multò minus actu de Deo cogitare, interim homicidiis, latrociniiisque grassari, tàm sanctæ animæ ab omni mortali noxa (quia Deum non novit nec de Deo cogitavit) feliciter immuni cælum spondet Theologia Professorum Divionensium.

Crediderunt Gallicani Episcopi Apologiam Casuistarum tantis censuris conculcatam & contritam, in hac materia de ignorantia & advertentia mali laxitatis palmam omnibus, etiam futuris laxonibus præcipuisse: at hanc illi palmam inviderunt Professores Divionenses, ut facile videre est conferenti doctrinam Apologiæ Casuistarum Censuris Gallicanis perstrictam cum Thesis Divionensibus. Sic illam refert Censura Senonensis anni 1698.

Apolog. p. 23.

OBJECTION. Le P. Bauny, & les autres Theologiens & Casuistes disent, que pour pecher, & se rendre coupable devant Dieu, il faut sçavoir, que la chose, qu'on veut faire, ne vane rien.

rien, ou au moins en douter, craindre ou bien juger, que Dieu ne prend pas plaisir à l'Action, à laquelle on s'occupe, qu'il la défend, & nonobstant la faire, franchir la saute, & passer outre.

Resp. Je soutiens, que la proposition du P. Bauny est vraie & que celle des Iansenistes est fautive, & scandaleuse dans ses suites.

P. 26. La première conséquence très pernicieuse & très-scandaleuse, qui suit de cette erreur, est qu'un grand nombre des Chrétiens, qui pechent par ignorance contre le Decalogue, seront damnés faute d'instruction.

P. 38. Si les pécheurs parfaits & achevés n'ont ni lumières ni remors, lors qu'ils blasphèment, & qu'ils se plongent dans leurs débauches; s'ils n'ont aucune connoissance du mal, je soutiens avec tous les Théologiens, qu'ils ne pechent point par ses actions, qui tiennent plus de la bête, que de l'homme, parce que sans liberté il ny a point de péché, & pour avoir la liberté d'éviter le péché, il faut connoître du bien & du mal dans l'objet, qui nous est proposé. Je dis aussi, qu'en cette rencontre les Théologiens ne reconnoissent point des grâces suffisantes, d'autant que Dieu ne les donne qu'à ceux, qui se servent de la raison, & non aux enfants, aux fols, à ceux qui dorment, & à ceux, qui agissent par emportement de quelque passion.

Censura Senonensis promulgata ad instantiam Synodi, requirente promotore Generali.

HÆ Propositiones, quatenus ex his consequens est, innoxium esse, quidquid per reſſi pravique ignorantiam fit aut cupiditatis impetum, vel nihil unquam à quoquam contra legem Dei per ignorantiam peccari, Scripturis, Patribus, fidelium precibus manifestè adversantur, & ad excusanda gravissima quaque scelera promptam defensionem suppeditant.

Censura eorumdem lata per Vicarios Archiepiscopi Parisiensis die 23. Augusti ejuldem anni.

Doctrina illa falsa est, erronea, scandalosa, contraria Scriptura Sacra, Ecclesia Patribus, & ipsi Theologia, à quibus omnibus constat dari peccata ignorantia; peccatoribus quoque excusationum copiosam materiam præbet in perniciem animarum, & Christianos sollicitat, ut intrepidè negligns instructiones salutis sue necessarias.

Anno 1657. die 4. Maii de simili articulo ab Episcopo Gandensi sibi oblato censuerat Facultas Theologica Lovaniensis: quod esset contra communia Christiana Theologia principia, & innumera etiam immensissima hominum peccata excusaret cum pernicie animarum.

Horrendas esse fateor assertiones, quas Censuris illis petstringunt Illustrissimi Sapientissimique illi viri, quas tamen cenſeo non posse conferri illis, quas hæc conclusione primà tradunt Divionenses.

Nihil in Censura ex Baunio, nihil ex Casuistarum Apologia profertur, quo docuisse probentur, hominem ex certa scientia committentem homicidium vel adulterium que rectæ rationi adversari non dubitat, ab omni peccato immunem esse, si modò Deum ignorat, aut actu de Deo non cogitat. Et illud est, quod supra Baunii, & Apologiæ Casuistarum probroſa dogmata modis omnibus detestandum dicimus & abominandum.

Censuras alias non addimus, quas ERASMO PILLO servamus, quia si Pelagiana tam sollicitè, ut hæctenus præ se tulit, dogmata discusserit, felicius multò Pelagianas offas Collegæ suo præcoquet quam nostro.

Plura adderem, nisi limites, quos ipse mihi præfixi, vereretur excedere; subtiliora enim ac remotiora consuetaria ERASMO PILLO relinquenda sunt, qui sagacissimè palam omnibus faciet, dogma illud cò tendere, ut Christianismus evertatur funditus, omniaque Sacramenta

Sacramenta penitus aboleantur , evertatur mysterium non tantum SS. Trinitatis, sed etiam Incarnationis, totaque doctrina de peccato originali.

§. 14.

De quibus ERASMO PILIO agenda sint gratia?

Cum circa quinque articulos ab Innocent. X. & Alexand. VII. proscriptos variae admodum forent controversiae, novosque quotidie sensus Molinistae pro rerum suarum opportunitate confingerent, nolui ego huic me labyrintho plenis velis committere, ac malui quaestionem hanc tractare per partes, rectum tamen ac naturalem ubique sectando ordinem, id est, primo loco ea tractando, sine quibus difficilis (praecipue si cum Molinistis agitur) foret labyrinthi hujus exitus.

Contendi, ac etiamnum contendo, doctrinam nostram à doctrina Jansenii distingui non posse, nisi doctrina nostra bene intelligatur. Ideo hanc expressi verbis Majorum nostrorum, Lemos, Estii Capituli Provincialis PP. Dominicanorum, PP. Carmelitarum, Excalceatorum, aliorumque plurimum. Si malè eam exposueram, petivi ad adversarius diserte id exprimi ut vel adderem, vel mutarem. Sed haecenus nihil exprimere placuit.

Tam Thesi 6. Historico-Theologica ipsorum quoque damnatorum articulorum sensum cum Joanne Baptista Goner exposui, quem in nonnullis ERASMO PILIO satis conformem esse video, speroque, quod si pari candore (pro quo illi multum debeo) ceteros exponat articulos, intricatae huic quaestioni multum lucis accedet.

Faturus itaque ERASMUS lib. 1. pag. 4. quod *Cornelius Jansenius* *Ipsum Episcopus nomen reservavit liberi arbitrii, sed rem isto nomine significatam, videlicet libertatem à necessitate, seu indifferentia prorsus eliminavit.* Hoc ergo est, quod in Jansenio damnatum esse contenditis, hoc unum queritis, dum toties instatis, ut tertium articulum damnemus in sensu ab auctore intento. Eia, precor, publico constet instrumento, eam esse concordem aut saltem communem aliorum Molinistarum sententiam, ne postea ab hoc sensu resiliantibus aliis, frustra laboremus. De ERASMO PILIO non amplius hac in parte laboramus; clarissimè enim ille mentem suam ubique aperit. Unde iterum pag. 58. *putavi* (Jansenius) *& in eo erravit, quod libertas in coactione sufficiat, & actio dicatur esse in potestate nostra siquo verè libera est libertate, qua fundit meritum ac demeritum.* Ne quid verò ad plenissimam damnatae tertiæ propositionis intelligentiam deesset, Jansenius, inquit pag. 60. *malè cum Calvino sentiens de actionum nostrarum libertate, dogma suum, perinde ac Calvinus, restrinxit ad statum naturae lapsae.*

Damnamus & nos cum ERASMO PILIO omnes, qui in statu naturae lapsae non admittunt libertatem indifferentiae. Constat ex hac ipsa Thesi, constat ex aliis pluribus, ac praecipue ex 6. in qua §. 2. exponens damnatos articulos cum discipulis SS. Aug. & Thomae profiteor num. 3. quod sit *perpetuum in homine lapsa illud, quod Thomista statuunt, activa indifferentia genus, quam proximam dicere nihil vetat, dummodò ab hoc verbo semoveas illum sensum, ut voluntas per efficacem gratiam meta credatur nunc consentire, nunc dissentire; siue quod idem est, nunc actuale consensum, nunc verò actuale dissensum cum ejusmodi gratia componere.* Cetera ad hunc articulum pertinentia nobis cavebit adscribere, si ibidem totam expositionem nostram evoluerit.

Multum quoque ERASMO debeo, quod meos levet labores, dum controversiae hujus originem ad pauca capita revocat, aded ut iis ferè solis nos æquum foret occupari. *Dogmatis origo*, inquit lib. 1. p. 52. *fuit nimis amor erga hac dogmata: Non datur omnibus, gratia sufficiens. Et singuli gradus gratiae semper in nobis obtinent id, quod per illos vult Deus.*

Credit

Credit P I L I U S hæc dogmata controversiæ esse originem; nec nos abnuimus. In hoc ergo articulo toto deinceps impetu ruat, ut concussis doctrinæ Lovaniensis principiis, conclusionibus simul omnes collabantur. Ad alia non divertat; sed hanc Thesim, si libet, Theologicè oppugnet.

NON DARI OMNIBUS GRATIAM SUFFICIENTEM CERTA EST SS. AUG. PROSPERI, FULGENTII, THOMÆ, AC PRÆCIPUORUM QUORUMCUMQUE SCHOLASTICORUM SENTENTIA.

At quid sentiendum de altero illo articulo: *Singuli gradus gratia semper in nobis obtinent id, quod per illos vult Deus?* Sentit ERASMUS P I L I U S inde fluere istud confectarium hæreticum: *Interiori gratia in statu naturæ lapsæ nunquam resistitur*, uti aper tissimè, inquit, demonstravit Ulicus Jonson. Alibi P I L I U S illud exagitat, tanquam totius Jansenianæ Theologiæ fundamentum. *Dogmatizat*, inquit de Collega nostro, pag. 43. lib. 2. *singulos gradus gratia semper in nobis obtinere id, quod per illos vult Deus. Dogma illud ipsi oculorum pupillâ est charius, utpote totius Janseniana Theologia fundamentum præcipuum.* Forte doctrinam nostram hæcenus non capit ERASMUS, et camque rectè explicatam de hæresi notare desinet. Gratia interiori (excitanti, seu sufficienti Thomisticè) in statu naturæ lapsæ resisti sæpissimè, cum omnibus SS. Augustini & Thomæ discipulis incunctanter asserimus, quodque cum iisdem diximus Thesis 6. §. 2. num. 2. Hic repetimus: „ Gratia excitanti, inefficaci, Thomisticè sufficienti verè voluntatem resistere ac reniti, „ camque eo effectu privare, ad quem excitat, & ad quem potestatem largitur Thomistarum sensu sufficientem. Potest quidem illi voluntas consentire, nec tamen si absit „ gratia efficax, unquam consentit, non defectu antecedentis potestatis, sed liberâ sui „ ipsius in oppositum determinatione. „

„ Sed quævis illa gratia in se spectata effectu illo careat, ad quem tendit, ad quem „ voluntatem excitat, ad quem per antecedentem Dei voluntatem destinatur, adeoque „ falsum sit hoc sensu, omnem Christi gratiam semper habere eum effectum, quem „ Deus vult; si tamen spectetur ut cum absolutâ Dei voluntate conjuncta, meritò hoc „ sensu efficax dici potest, quia semper id in corde hominis operatur, quod Deus absolutâ voluntate intendit. Certum est enim apud Thomistas auxilium sufficiens respectu „ unius actûs semper esse efficax respectu alterius actûs, ad quem efficiendum decreto „ absoluto divinæ voluntatis destinatur, adeoque apud illos omnis gratia est efficax ali „ cuius effectûs, ejus nimirum ad quem proximè ordinatur, & Deus absolutâ voluntate „ intendit juxta illud Isaia: *Verbum, quod egrediuntur de ore meo non revertetur ad me vanum, sed faciet quacumque volui.*

Ex his intelligit ERASMUS P I L I U S, quo sensu sustineamus, *singulos gradus gratia semper in nobis obtinere id, quod per illos vult Deus*; semper enim id obtinent, ad quod efficiendum Decreto absoluto divinæ voluntatis destinatur, non item illum effectum obtinent, ad quem per antecedentem tantùm Dei voluntatem (quam ex S. Thoma & præcipuis Thomistis aliàs explicui) ordinantur.

En illud dogma quod oculorum pupillâ nobis est charius, quod si ERASMUS P I L I U S tamquam totius Jansenianæ Theologiæ præcipuum fundamentum putet exagitandum, & confectaria inde fluere hæretica apertissimè censeat demonstratum, ne ipse quidem sibi satis cohærebit, imo suis se configeus sagittis & Thomistarum damnans doctrinam in Pontificia impinget Decreta, quorum observantiam potentius ab aliis, si suo eos exemplo præverit, poterit postulare.

Si schola S. Dominici teste ERASMO P I L I O sit apprime Catholica, ut habet lib. 1. pag. 32. si inter Catholicos ubique meritò reconsultur Thomista, ut habet pag. 39. si novis Apostolica Sedes

Sed et discrimen esse inter doctrinam Iansenii & doctrinam Thomistarum, illam pronuntians hereticam, istam doceri permittens, ego, ipso ERASMO PILIO teste, tutissimum me arbitror, dum eodem per omnia sensu, imo iustem planè verbis, quibus Thomistarum Principes, damno illum articulum: Interiori gratia in statu natura lapsa nunquam resistitur.

Si quid tamen deinceps opponendum nobis censeat ERASMUS PILIUS circa illum articulum, hanc ei Thesim propono Theologicè oppugnandam:

OMNE AUXILIUM SUFFICIENS (Thomisticè) COMPARATIONE UNIUS ACTUS, SEMPER EST EFFICAX RATIONE ALTERIUS, AD QUIEM EFFICIENDUM EX ABSOLUTO ET EFFICACI DECRETO VOLUNTATIS DIVINÆ ORDINATUR.

Hæc Thesis (seponere controversiam de solo nomine sufficientis auxilii) constans est, & fundatissima doctrina SS. Augustini & Thomæ. & teste Lemos, communis & vera Thomistarum sententia, de qua non ita pridem Joannes Baptista Gonet: Communiter docent Thomistæ cum Alvaro, auxilium omne, quod respectu unius actus est sufficiens, esse simul etiam efficax in ordine ad alium, ad quem efficiendum per absolutum divinæ providentiæ decretum ordinatur, ita ut simpliciter sit sufficiens & efficax secundum quid. Disp. 4. de voluntate Dei antecedente art. 5. num. 147.

Multas debeo gratias ERASMO PILIO, quod ad hæc capita controversiæ nostræ summam redegit, sed pluribus longè titulis illi obstringar, si solidis argumentis, religiosa modestiâ, ac piâ animi moderatione res ita arduas deinceps tractare dignetur, invocato patre luminum, ut divinâ gratiâ, cujus causam agimus, cor ejus mentique emundetur, calamus temperetur, tantaque in omnibus scriptis nostris reluceat pietas, ut gratiæ, quam tuendam suscipimus, effusionem magis probent scribebantque opera, quam litteræ. Si quam per hos libellos contraxit ERASMUS petulantia; notam, eluceat micans deinceps in futuris scriptis religiosissima modestia. Quod ad me attinet, profiteor semperque profitebor, anhelare me unicè, ut pacificè cuncta tractentur, multumque dolere, dum omnes honestatis limites sic excedi video, ut necesse sit nervosius acriusque figmentata varia coargui, ne dum suos fallitas exeret aculeos, aculeis carere veritas videatur.

P E R T I N E N S.

NON posse hominem sine gratia à peccato liberari, docet fides; juxta illud Christi, *si vos Filius liberaverit, tunc verè liberi eritis.* Ex locis Augustini, in quibus hanc libertatem à peccato negat obtineri posse sine gratia, conficit ERASMUS PILIUS, non remanere in homine gratiâ destituto libertatem naturalem circa præcepta supernaturalia, aut illa naturalia, quæ ob naturæ corruptionem sine gratia impleri non possunt. Nonne hæc consequentia, quam facit lib. 2. p. 27. dignissima est indefesso Augustini lectore?

A L I U D.

CUT ERASMUS PILIUS truncatum produxit Augustini locum ex lib. 1. operis imperfecti cap. 105. Nam lib. 1. p. 28. hæc sola verba refert: *Cum igitur & illa fateamur in hominibus esse peccata, quæ committuntur non necessitate, sed voluntate, quæ tantummodo peccata sunt, unde LIBERUM EST ABSTINERE.* Fallor si ex Augustino non optârît erasa, hæc quæ sequuntur verba; & peccatis de ignorantia

ignorantia vel affectionum necessitate venientibus, qua jam non solum peccata, verum etiam poena sunt peccatorum plenum sit genus humanum quomodo dicis (Juliane) definitionibus nostris peccatum nec in moribus inveniri? Si tamen non optarit erasa, mirari satis nequeo, ex citatis verbis elici ibidem consequentias à verbis & sensu Augustini tam alienas.

ALIUD.

Vix circa initium Aprilis 1688. prodiiit secundus libellus ERASMI PILII, & circa medium Martii prodierat primus. Confidit ERASMUS, lib.2.p.7. utrumque Collegæ nostro placitum; imò *nihil in superiore opusculo displicuisse conjicio*, inquit, *ex tuo silentio*. Fatua erat hæc conjectura anno 1687. 13 Novemb. quâ ne primus quidem liber adhuc lucem viderat. Quo ergo tunc Censore digna erat illa conjectura? Circa eam censere aut decernere aliquid nemo potuit, nisi ex prævisis meritis. At non mirarer, si suum mentitus nomen, Typographum, Apologum, aliquem etiam Censorem mentiretur. Fortè & alibi jam pridem per omnium manus volitârunt illi libelli, qui unjè ad illudendum imperitis compositi videntur. Hæc monuisse sufficiat, ut æmulatorum nostrorum insidias ac stratagemata cavere quilibet discat.

FINIS.

